

Wajib bayar zakat
pendapatan

4

Bina lebih banyak
pusat industri

2

RM4.78 juta agih
baucar perayaan

7

Mohon bantuan yuran
taska RM100

8

PERCUMA

PP 19570/07/2020 (035196)

EDISI 11 - 17 JANUARI 2024

www.selangorkini.my

selangorkini

Sumbangan Tunai Rahmah RM1 billion

Kerajaan persekutuan akan salur Sumbangan Tunai Rahmah (STR) kepada penduduk Selangor. Negeri pula sediakan lebih 40 inisiatif kebajikan dalam Iltizam Sihat Selangor demi manfaat segenap lapisan rakyat

MUKA 3

130,000 pelajar ikuti tuisyen percuma

Pelajar tingkatan empat dan lima kalangan keluarga berpendapatan rendah berpeluang sertai Program Tuisyen Rakyat Selangor mulai April hasil peruntukan RM10 juta, bertambah RM3 juta berbanding tahun lalu

MUKA 4



Dato' Menteri Besar Dato' Seri Amirudin Shari memberi penerangan dalam Sesi Libat Urus Bersama Ketua Jabatan Pentadbiran Kerajaan Negeri Selangor di Saujana Golf Glenmarie, Shah Alam pada 6 Januari 2024. Isu yang dibincangkan antaranya Rancangan Selangor Pertama dan Lembah Klang Raya, satu inisiatif penting dalam belanjawan tahun ini. Foto RADIN WAZIR

pancawarna

Anak-beranak raih gelaran dunia

Pameran foto imbau kehebatan anak-anak Sidek ungguli badminton



12&13

Urusan kepemimpinan hanya cabang agama

Ulama Sunni tegaskan pertembungan politik tidak babitkan iman



11

Koperasi basmi miskin, jamin sumber makan

Kobuniti bawa kumpulan B40 bercucuk tanam sayur dalam bandar



16

Anjung Utara gamit pelancong

SABAK BERNAM - Seramai 40 ejen pelancongan dari Hatyai, Songkla dan Betong, Thailand mengadakan lawatan sekitar Kuala Selangor hingga Sabak Bernam bagi menyaksikan tempat menarik.

EXCO Pelancongan Dato' Ng Suee Lim berkata kehadiran kumpulan pertama dari negara luar itu ke Anjung Utara negeri bakal mempromosikan kawasan berkenaan sekali gus mampu menarik kehadiran lebih ramai pelancong dari Negara Gajah Putih itu.

"Program berkonsep agro dan eko-pelancongan ini berjalan tiga hari dua malam. Kita bawa mereka ke lokasi menarik antaranya galeri padi, Pantai Redang, Sky Mirror dan Pusat Konservasi Kelip-kelip.

"Ini peluang kita memperkenalkan Selangor kepada penduduk Thailand. Kita yakin usaha dijalankan bersama Tourism Selangor ini berhasil dan bakal terima pelancong ramai dari sana," katanya pada 9 Januari.

Tebus baucar buku hingga 31 Januari

PUTRAJAYA - Tempoh penebusan bantuan e-baucar buku mahasiswa Kita Selangor dilanjut hingga 31 Januari, kata Ketua Tanggungjawab Sosial Korporat dan Komunikasi Korporat Menteri Besar Selangor (Pemerbadanan) atau MBI.

Ahmad Azri Zainal Nor menjelaskan 62 peratus daripada peruntukan RM200,000 itu ditebus sejak dilancar November tahun lalu, kebanyakannya melibatkan pembelian buku akademik.

"Kita lanjutkan tarikh penebusan dari 31 Disember lalu ke 31 Januari. Jadi, mahasiswa yang layak masih boleh tebus dan saya galakkan untuk mereka tebus awal tanpa menunggu saat akhir."

"Saya dimaklumkan penebusan banyak untuk pembelian buku akademik, bermakna e-baucar yang disalur ini digunakan mahasiswa dengan sebaik-baiknya," katanya pada 6 Januari.

Penebusan e-baucar boleh dibuat menerusi pautan mall.bookcapital.com.my/

IMBAS DI SINI
akbar digital minggu lepas

Sidang Dewan Negeri 27 Februari

SHAH ALAM - Sidang Dewan Negeri Selangor (DNS) dijadual berlangsung selama 10 hari mulai 27 Februari, kata Speaker Lau Weng San.

Beliau berkata pembukaan DNS bakal disempurnakan Duli Yang Maha Mulia Sultan Selangor Sultan Sharafuddin Idris Shah Alhaj disusuli perbahasan titah Baginda.

"Harapan saya kepada semua khu-

susnya pembangkang hadir sidang DNS dan mesyuarat jawatankuasa dengan tekun dan tepat waktu serta membangkitkan isu yang memberi manfaat kepada rakyat.

"Elak isu yang boleh memecah belahkan rakyat kerana ini akan melemahkan masyarakat dan negeri khususnya," katanya pada 6 Januari.

Beliau juga berpuas hati atas

prestasi keseluruhan Ahli Dewan Negeri (ADN) dalam persidangan sebelum ini termasuk aspek kehadiran dan berharap keadaan itu berkekalan.

Orang ramai boleh mengikuti persidangan tersebut yang dipancarkan secara langsung melalui pautan laman sesawang selangortv.my atau YouTube.

Sasar 1,800 lokasi

Jualan murah kembali 15 Januari

Oleh **KHAIRUL AZRAN HUSSIN**

SHAH ALAM - Program Jualan Ehsan Rahmah (JER) kendalian Perbadanan Kemajuan Pertanian Selangor (PKPS) akan bermula 15 Januari ini.

"JER akan berehat seketika bermula 1 Januari hingga 14 Januari. JER akan kembali beroperasi pada Isnin, 15 Januari," maklum agensi itu di Facebook.

Jualan itu menawarkan ayam RM10 seekor, daging pejal segar (RM10 setiap pek), telur gred B (RM10 sepapan), ikan kembung (RM6 setiap pek), minyak masak lima kilogram (RM25) dan beras lima kilogram (RM10).

Pada 2 Januari, Pengurus Kanan Pe-

ta program jualan murah barang asas itu akan diadakan di lebih 1,800 lokasi seluruh negeri pada tahun ini.

Katanya, lokasi tersebut tidak termasuk dengan program jualan murah di beberapa cawangan pasar raya Segi Fresh pada hujung minggu.

Sebelum ini, PKPS menerima Anugerah Pengurusan Berkualiti 2023 berikutan kejayaan cemerlang termasuk pengendalian program JER. Agensi itu turut diiktiraf Malaysia Book of Records (MBOR) menerusi jualan ayam dan telur bersubsidi terbesar sempena Aidilfitri.

Mulai 2022, Kerajaan Negeri melancarkan program jualan murah, lanjutan Program Agro Prihatin Selangor yang diperkenal pada 2 Jun 2021 menerusi

Pakej Kita Selangor 2.0. ia bertujuan mengatasi lambakan hasil tani akibat pandemik Covid-19.

Program itu dijenamakan sebagai Jualan Prihatin Rakyat pada 28 Februari 2022. Pelaksanaannya dilanjutkan sehingga Julai 2022. Pada 30 Ogos 2022, ia diumumkan pula sebagai Jualan Ehsan Rakyat.

Ia kemudian ditukar kepada Jualan Ehsan Rahmah selepas PKPS bekerjasama dengan Kementerian Perdagangan Dalam Negeri dan Kos Sarawak.

Kelmarin, Ketua Pegawai Eksekutif PKPS Dr Mohamad Khairil Mohamad Razi berkata sejumlah RM30.8 juta nilai jualan diperoleh menerusi pengjuran JER di lebih 1,000 lokasi sepanjang tahun lalu.

Lebih banyak bina pusat industri

SHAH ALAM - Lebih banyak kawasan perindustrian baharu diwujudkan di beberapa lokasi seluruh negeri pada tahun ini bagi memenuhi permintaan pelabur dan industri, kata EXCO pelaburan.

Ng Sze Han berkata Selangor banyak kelebihan antaranya kedudukan berhampiran lapangan terbang utama, pelabuhan besar (Klang), lebuh raya serta Laluan Rel Hubungan Pantai Timur (ECRL).

"Kita turut utamakan pelan Rancan-

gan Selangor Pertama terutama Kawasan Pembangunan Sabak Bernam dan Projek Wilayah Pembangunan Bersepadu Selangor Selatan," katanya pada 4 Januari.

Beliau menambah pentadbiran negeri turut giat mempromosi industri pelaburan bagi menarik syarikat tempatan dan luar negara ke negeri ini.

"Segala proses dipantau supaya ia berjalan lancar. Jika ada masalah, kita cuba selesaikan secepat mungkin sekali

gus menjamin kemasukan pelabur," katanya.

Pada November tahun lalu, Sze Han memaklumkan negeri menjana nilai pelaburan RM88.88 bilion sepanjang lima tahun dengan meluluskan 1,506 projek perkilangan.

Jumlah dari 2018 hingga Jun lalu melibatkan pelaburan modal asing RM53 bilion, manakala baki RM35.88 bilion daripada tempatan sekali gus mewujudkan 95,610 peluang kerja.

Buka kaunter daftar sistem Padu

SHAH ALAM - Jabatan Perangkaan Selangor membuka kaunter di beberapa lokasi terpilih bagi memudahkan orang ramai mendaftar Sistem Pangkalan Data Utama (Padu).

Pengarhunya berkata kaunter 21 Pusat Ekonomi Digital (PEDi) dibuka sehingga 14 Januari manakala Bangunan Darul Ehsan dan Lotus Rawang serta lokasi lain hingga 31 Mac.

Hartini Yaacob menambah per-

khidmatan itu disediakan berikutnya ada golongan memerlukan bantuan untuk mengemas kini maklumat meskipun pangkalan data tersebut boleh diakses secara digital.

"Bagi penduduk luar bandar terutama warga emas, mereka perlu dibantu. Jadi, kami buka kaunter bergerak dengan penggiliran di pelbagai lokasi bagi membantu mereka," katanya.

Pendaftaran tersebut bertujuan

mengemas kini maklumat dalam sistem berpusat bagi memudahkan isi rumah yang layak menerima subsidi bersasar tanpa sebarang keciciran bantuan kerajaan.

Menjelaskan orang ramai juga boleh menggunakan kemudahan 48 PEDi di seluruh negeri, Hartini berkata pihaknya juga bekerjasama dengan pihak yang ada hubungan langsung dengan masyarakat.



Al-Sultan Abdullah berkenan mengendalikan mesin ketika Majlis Menuai Padi di Sekinchan, Sabak Bernam pada 5 Januari. Foto NAZIR KHAIRI

Rakyat Selangor manfaat STR

Agih RM1 bilion sumbangan tunai

Oleh NORRASYIDAH ARSHAD

SHAH ALAM - Lebih RM1 bilion disalur kerajaan persekutuan kepada penduduk Selangor menerusi program Sumbangan Tunai Rahmah (STR) demi menjaga kebajikan mereka.

Dato' Menteri Besar Dato' Seri Amirudin Shari menjelaskan kerajaan sedia ada juga banyak menyelesaikan masalah rakyat terutama aspek bekalan makanan pada harga berpatutan.

"Ini menunjukkan kerajaan hari ini berada dalam kerajaan yang bekerja,"

katanya dalam rakaman yang dimuat naik ke platform media sosial rasmi pada 8 Januari.

Beliau menambah Kerajaan Negeri turut mengadakan beberapa program kebajikan antaranya Iltizam Sihat Selangor, Skim Insurans Am Selangor dan dana untuk semua jenis sekolah.

Turut disediakan peruntukan rumah ibadat dengan Selangor antara negeri yang menyediakan tapak yang digazet, sekali gus tidak perlu membayar premium tanah.

"Bayaran premium tanah (ini) yang dulu menjadi masalah menyebabkan

rumah ibadat tidak dapat didirikan," katanya lagi menerusi video berkenaan.

Bermula 2008 selepas memegang tumpuk pentadbiran, Kerajaan Negeri menyediakan tujuh program kebajikan bertema Merakyatkan Ekonomi Selangor.

Skim tersebut bertambah kepada 43 menerusi Inisiatif Peduli Rakyat pada 2017 sebelum penyelarasannya dibuat menjadikan 33 bantuan pada 2019.

Sehingga kini, Selangor memiliki 46 pelan kebajikan kepada rakyat menerusi Iltizam Selangor Penyayang dengan peruntukan lebih RM600 juta.

KLANG - Projek Skim Jaminan Air Mentah (SJAM) yang dibangunkan Kerajaan Negeri bagi menangani isu bekalan air di Lembah Klang dan Putrajaya dijadual beroperasi sepenuhnya Mei depan.

EXCO Infrastruktur menjelaskan proses lengcongan sungai giat dijalankan ketika ini membabitkan Sungai Selangor, Sungai Rantau Panjang dan Sungai Semenyih yang dijangka siap Februari.



Dirancang dan dilaksanakan sejak 2020, Ir Izham Hashim berkata fasa satu projek berkenaan membabitkan peralihan jika berlaku pencemaran siap sepenuhnya dengan kos lebih RM320 juta.

"Bagi pembinaan rumah pam di Sungai Selangor mungkin sekitar April dan keseluruhannya projek ini sedia beroperasi sepenuhnya pada Mei," katanya pada 9 Januari.

SJAM yang dirasmikan Dato' Menteri Besar Dato' Seri Amirudin Shari

tahun lalu membabitkan empat pakej merangkumi proses pengepaman, pembinaan rumah pam, kolam takungan dan lengcongan sungai.

Untuk menjayakan projek tersebut, pentadbiran negeri memperuntuk sebanyak RM332 juta termasuk RM100 juta yang dikhaskan bagi menjamin operasi loji rawatan air jika berlaku pencemaran.

Skim berkenaan turut merangkumi beberapa langkah penyelesaian lain antaranya pindaan enakmen Lembaga Urus Air Selangor (LUAS) dan pemantauan skuad pantas agensi berkenaan.

Agong lawat Galeri Padi Sekinchan

SHAH ALAM - Yang di-Pertuan Agong Al-Sultan Abdullah Ri'ayatuddin Al-Mustafa Billah Shah berkenan berangkat ke Galeri Padi dan Pusat Jualan Beras di Sekinchan, Kuala Selangor.

Galeri Padi yang dibina dalam kilang memproses padi milik PLS Marketing (M) Sdn Bhd itu antara tarikan pelancong yang mahu mendalam sejarah penanaman padi tempatan.

Baginda turut berkenan mengendalikan mesin menuai dan menanam padi selain melawat bangunan baharu kilang tersebut pada 5 Januari, lapor Bernama.

Al-Sultan Abdullah juga berkenan mewakili kerajaan Pahang untuk menerima sumbangan beras 10 tan metrik daripada PLS untuk diagih kepada mangsa bencana di negeri berkenaan.

Keberangkatan Baginda disambut Dato' Menteri Besar Dato' Seri Amirudin Shari, Menteri Pertanian dan Keterjaminan Makanan Datuk Seri Mohamad Sabu dan Menteri Besar Pahang Datuk Seri Wan Rosdy Wan Ismail.

Gudang makanan jamin bekalan

KLANG - Gudang penyimpanan bekalan makanan sebagai persediaan menghadapi sebarang situasi perubahan iklim akan dibuka di Kuala Selangor.

EXCO Pertanian Ir Izham Hashim berkata sejumlah RM40 juta diperuntuk bagi pembukaan gudang di atas tanah seluas lima ekar dan dalam proses menyediakan mekanisme pengurusan.

"Gudang ini mampu menyimpan bekalan makanan dan memastikan keterjaminan makanan berterusan di Selangor. Tumpuan kita adalah stok bekalan, meningkatkan hasil padi dan tanaman bernilai tinggi antaranya benih dan baka yang berkesan kepada pertanian."

"Pembentahan dan pembakaan menggunakan teknologi tinggi dan ia menjamin kejayaan dalam pertanian. Kerajaan Negeri memfokuskan kualiti ternakan dan pembakaan anak ayam, kambing, ikan air tawar dan udang," katanya.

RM12,000 bantu enam keluarga

HULU LANGAT - Menteri Besar Selangor (Pemerbadanan) atau MBI menghulur bantuan tunai RM12,000 kepada enam mangsa kebakaran di Taman Bukit Mewah dan Kampung Sungai Sekamat, Kajang.

Ketua tanggungjawab sosial korporat dan komunikasi korporatnya berkata bantuan RM2,000 untuk setiap keluarga sebagai tanda prihatin selepas berdepan musibah antara November hingga Disember lalu.

"Kerajaan Negeri melalui MBI sentiasa bersedia membantu mangsa yang diuji dengan musibah. Insya-Allah kita cuba se-daya upaya meringankan beban mereka yang terkesan," kata Ahmad Azri Zainal Nor.

Rewang komuniti dekati penduduk

SHAH ALAM - Program rewang khas untuk penduduk projek perumahan rakyat (PPR) dan pangaspuri lama diadakan dalam masa terdekat bagi menghebah maklumat berkaitan program negeri.

EXCO perumahan berkata program Rewang Komuniti Strata melibatkan agensi negeri dengan tumpuan kawasan sekitar Lembah Klang terutama sekitar Ampang dan Hulu Langat.

Menurut Borhan Aman Shah, program dua hari itu menyajikan pelbagai aktiviti antaranya gotong-royong memasak kenduri pada sebelah malam.

"Esoknya majlis dimulakan dengan solat Subuh berjemaah dan sukan rakyat. Kita juga adakan pameran inisiatif Kerajaan Negeri supaya penduduk mendapat manfaat," katanya pada 5 Januari.

Selain itu, beliau yang juga EXCO kebudayaan menjelaskan Pameran Anak-Anak Sidek di Muzium Sultan Alam Shah ketika ini menjadi tumpuannya dalam suku pertama tahun ini.

Beliau berkata pameran sehingga 30 April itu merupakan langkah negeri untuk menaikkan semangat dan inspirasi kepada anak muda terutama pemain badminton.

Pantau ramalan cuaca setiap masa

SHAH ALAM - Kerajaan Negeri sentiasa memantau ramalan Jabatan Meteorologi Malaysia serta Jabatan Pengairan dan Saliran (JPS) sebagai persediaan kemungkinan banjir.

EXCO Pengurusan Bencana Najwan Halimi berkata penelitian bagi memastikan operasi menyelamat mangsa bencana lancar sekali gus mengelak perkara buruk sepanjang musim tengkujuh.

"Setakat ini, semua baik dan tiada laporan banjir teruk dilaporkan. Cuma tiga minggu lalu, kita terpaksa buka dua pusat pemindahan sementara di Kuala Selangor sebab air naik.

"Kita akan terus memantau ramalan hujan, banjir supaya dapat bertindak pantas sekali gus mengelak keadaan lebih teruk berlaku," katanya pada 8 Januari.

Sebelum ini, Ketua Pengarah Jabatan Meteorologi Malaysia Muhammad Helmi Abdullah memaklumkan Monsun Timur Laut yang bermula November lalu dijangka berterusan sehingga Mac.

Subsidi RM18.1 juta jualan murah

SHAH ALAM - Kerajaan Selangor menyediakan subsidi RM18.1 juta bagi mengadakan program jualan yang menawarkan harga barang keperluan asas 30 peratus lebih murah berbanding pasaran.

Ketua pegawai eksekutif Kumpulan Perbadanan Kemajuan Pertanian Selangor (PKPS) menjelaskan Jualan Eh-san Rahmah (JER) dijalankan meliputi lebih 1,000 lokasi sepanjang tahun lalu.



Dr Mohamad Khairil Mohamad Razi menambah nilai jualan program dengan kerjasama Kementerian Perdagangan Dalam Negeri dan Kos Sara Hidup pula mencatat RM30.8 juta.

"Kita sifatkan pengjuran tahun lalu berjaya hasil kerjasama baik kementerian berkenaan, kita akan teruskan lagi pada tahun ini," katanya pada 5 Januari.

Sebelum ini, EXCO Pertanian Ir Izham Hashim berkata pentadbiran negeri

meluluskan RM10 juta bagi meneruskan program itu bagi meringankan beban golongan berpendapatan rendah (B40).

Beliau memaklumkan program yang memanfaatkan kira-kira lima juta penduduk akan ditambah baik dengan menambah produk jualan termasuk sayuran dan buah selain produk makanan sejuk beku.

Jualan berkenaan yang dihenti seketika bagi kerja penyelenggaraan dan penambahaikan diadakan semula mulai 15 Januari meliputi lebih 1,800 lokasi di seluruh negeri ini.

Kadar 2.5 peratus daripada gaji

Wajib bayar zakat pendapatan

Oleh SOFIA NASIR

SHAH ALAM - Hukum membayar zakat pendapatan di negeri ini wajib berdasarkan fatwa yang diwarta pada 2002, menurut Mufti Selangor Dato' Setia Prof Madya Dr Anhar Opir.

Beliau berkata zakat itu tergolong dalam kategori al-mal al-mustafad iaitu harta perolehan termasuk semua jenis upah, imbuhan, bayaran ataupun hasil yang diperoleh daripada pekerjaan.

"Oleh sebab ia dapat setiap bulan,

maka dikeluarkanlah zakat tetapi ditolak mengikut keperluan dengan kiraan iaitu had kifayah 2.5 peratus daripadanya," katanya pada 8 Januari.

Beliau menerusi rakaman di Facebook Lembaga Zakat Selangor menjelaskan kekeliruan beberapa pihak dalam media sosial berhubung hukum melaksanakan zakat pendapatan di Selangor.

Dr Anhar merujuk surah al-Baqarah ayat 267 selain kesepakatan ula-



ma dunia yang tidak mensyaratkan haul (cukup setahun) bagi pembayaran zakat demi menjaga kemaslahatan pembayar.

"Bayangkan jika disyaratkan haul bagi zakat pendapatan mungkin ada yang berbelanja banyak atau tidak cermat, lalu tidak dikenakan zakat kerana tidak cukup haul kerana duitnya habis.

"Atau orang yang dapat gaji sama tetapi duitnya tidak habis, tiba-tiba dikenakan zakat. Jadi, ini tidak adil dalam Islam," katanya.

130,000 sertai tuisyen percuma

SHAH ALAM - Seramai 130,000 pelajar tingkatan empat dan lima berpeluang menyertai Program Tuisyen Rakyat Selangor (PTRS) mulai April, menurut Menteri Besar Selangor (Pemerbadanan) atau MBI.

Ketua Tanggungjawab Sosial Korporat dan Komunikasi Korporatnya Ahmad Azri Zainal Nor berkata program percuma tersebut diadakan hasil peruntukan RM10 juta berbanding RM7 juta tahun lalu.

"Untuk tahun ini, peruntukan

meningkat dan diperluas kepada pelajar tingkatan empat berbanding sebelum ini hanya pelajar tingkatan lima.

"Jumlah keseluruhan tenaga pengajar dan sekolah akan diketahui selepas Bengkel PTRS 2024 nanti," katanya pada 7 Januari.

Dalam Belanjawan Selangor 2024, tambahan peruntukan RM3 juta disediakan untuk PTRS, menjadikan keseluruhannya RM10 juta.

PTRS adalah bantuan kelas tamba-

han untuk pelajar daripada keluarga berpendapatan rendah yang prestasi pelajaran mereka sederhana atau lemah.

Mata pelajaran yang disediakan antaranya bahasa Melayu, bahasa Inggeris, matematik, sains, sejarah dan matematik tambahan.

Selain pemberian modul, makan tengah hari disediakan kepada pelajar yang menyertai tuisyen meliputi 277 sekolah selain elaun kepada 1,956 guru dan penyelaras bagi 2023.

Hulu Selangor, Gombak, Petaling, Shah Alam, Hulu Langat dan Sepang

	Imsak	Subuh	Syuru'	Zuhur	Asar	Maghrib	Isyak
11 Khamis	6:01	6:11	7:21	1:24	4:46	7:21	8:35
12 Jumaat	6:01	6:11	7:21	1:24	4:46	7:21	8:35
13 Sabtu	6:02	6:12	7:21	1:24	4:47	7:22	8:36
14 Ahad	6:02	6:12	7:22	1:25	4:47	7:22	8:36
15 Isnin	6:03	6:13	7:22	1:25	4:47	7:23	8:36
16 Selasa	6:03	6:13	7:22	1:26	4:48	7:23	8:37
17 Rabu	6:03	6:13	7:23	1:26	4:48	7:23	8:37

Klang dan Kuala Langat

Imsak	Subuh	Syuru'	Zuhur	Asar	Maghrib	Isyak
6:01	6:11	7:21	1:24	4:47	7:22	8:36
6:01	6:11	7:22	1:25	4:47	7:22	8:36
6:02	6:12	7:22	1:25	4:48	7:23	8:37
6:02	6:12	7:22	1:25	4:48	7:23	8:37
6:03	6:13	7:23	1:26	4:48	7:24	8:37
6:03	6:13	7:23	1:26	4:49	7:24	8:38
6:03	6:13	7:23	1:26	4:49	7:24	8:38

Sabak Bernam dan Kuala Selangor

Imsak	Subuh	Syuru'	Zuhur	Asar	Maghrib	Isyak
6:03	6:13	7:23	1:26	4:48	7:22	8:36
6:04	6:14	7:23	1:26	4:49	7:23	8:37
6:04	6:14	7:23	1:27	4:49	7:23	8:37
6:05	6:15	7:24	1:27	4:49	7:24	8:37
6:05	6:15	7:24	1:27	4:50	7:24	8:38
6:05	6:15	7:24	1:28	4:50	7:24	8:38
6:06	6:16	7:25	1:28	4:50	7:25	8:38



BINCANG... EXCO Pelaburan Ng Sze Han mendengar taklimat perkembangan projek NCT Smart Industrial Park di Kuala Langat pada 4 Januari. Projek ini sebahagian daripada pembangunan dalam pelan Wilayah Pembangunan Bersepadu di Selangor Selatan (IDRISS). Foto Facebook Majlis Perbandaran Kuala Langat

Pameran Anak-anak Sidek percuma

Sasar lebih 20,000 pengunjung

Oleh **SHEEDA FATHIL**

SHAH ALAM - Lebih 20,000 pengunjung disasarkan hadir Pameran Anak-anak Sidek sepanjang enam bulan berlangsung di Auditorium Daeng Chelak, Muzium Sultan Alam Shah di sini.

EXCO Kebudayaan dan Warisan Borhan Aman Shah berkata pameran percuma sejak November hingga April depan dihadiri lebih 5,000 pengunjung setakat ini dan dijangka meningkat apabila cuti sekolah bulan depan.

"Kita juga bekerjasama dengan pelbagai pihak termasuk institusi pendidikan untuk menarik pelajar berkunjung ke pameran ini. Malah ibu bapa boleh bawa anak untuk melihat sendiri kejayaan anak-anak Sidek dalam arena badminton antarabangsa.

"Kerajaan Negeri berharap kejayaan anak-anak Sidek memberi inspirasi dan menarik minat khususnya golongan muda terhadap sukan badminton," katanya selepas merasmikan Pameran berkenaan di sini pada 9 Januari.

Borhan turut berterima kasih kepada anak-anak Sidek kerana menyumbangkan koleksi peribadi seperti pingat dan

piala yang dimenangi pada peringkat kebangsaan serta dunia.

"Sumbangan koleksi yang diserahterakan kepada Perbadanan Adat Melayu dan Warisan Negeri (PADAT) secara tetap dan pinjaman amat dihargai. Semoga ia menjadi galakan kepada masyarakat untuk menyumbang koleksi peribadi yang ada nilai sejarah kepada muzium," ujarnya.

Pameran yang diadakan sehingga 30 April depan menceritakan kisah kejayaan keluarga Datuk Sidek Abdullah Kamar membentuk lima anak lelakinya sebagai pemain badminton ternama dunia.

Allahyarham melatih Misbun, Razif, Jalani, Abdul Rahman dan Abdul Rashid di gelanggang kediamannya di Kampung Kanchong Darat, Banting, Kuala Langat.

Antara koleksi adalah pingat kejuaraan kejohanan dunia World Cup Badminton, Men Doubles Winne, All England, Komanwel, Sukan Asia, Sukan Sea dan cenderamata dihadiahkan kepada mereka lima beradik.

Sebagai tarikan, turut diadakan pertandingan teka bulu tangkis, kuih, pertandingan mewarna dan klinik badminton sepanjang pameran itu berlangsung.



Kecam saranan buka pusat pelacuran

SHAH ALAM - Cadangan pelakon Datuk Rosyam Nor untuk membuka pusat pelacuran bagi membendung pelakuan warga asing dalam jenayah rogal bertentangan sistem sosial di negara ini.

Timbalan Ketua Wanita Parti Keadilan Rakyat (KEADILAN) Juwairiya Zulkifli menegaskan saranan itu jelik, merosakkan nilai institusi kekeluargaan, melanggar undang-undang dan ditegah Islam.

"Polemik berkenaan isu dan masalah dalam kalangan pekerja warga asing di negara ini harus diselesaikan secara tuntas.

"Namun, saranan ini adalah salah daripada segi undang-undang dan tidak menghormati Dasar Keluarga Negara," katanya dalam kenyataan di Facebook pada 9 Januari.

Juwairiya menggesa wanita mahupun lelaki dihormati sebagai insan bermaruah dan bukannya objek untuk dimanipulasi atau di-diskriminasi.

Pada 8 Januari, Rosyam mengutarakan cadangan berkenaan dalam sesi audio siar (podcast) Hitam Putih Kehidupan yang dimuat naik ke TikTok Suhan Channel.

Cadangan itu dibantah pelbagai pihak termasuk Menteri Hal Ehwal Agama Dato' Setia Mohd Na'im Moktar yang menegaskan kegiatan tersebut jenayah berat di sisi undang-undang Islam.

Taman
Bestari
Jenjarom
Rumah Teres 2 Tingkat
Hakmilik Kekal

**Hanya Tinggal
14 unit
Lot Bumiputera !!
7% Rebate
untuk Bumiputera**

Procedure Development By :
CNC
CHIN NAM CITY DEVELOPMENT SDN BHD

CHIN NAM CITY DEVELOPMENT SDN. BHD.
(Co. No.1176877-P)
NO.16-D, Jalan Suarasa 8/4,
Bandar Tun Hussein Onn,
43200 Cheras, Selangor Darul Ehsan.
Tel: 03-9081 7731

Tempoh Satu: 14/02/2024-20/07/2024(A) Tempoh Satu: 06/12/2022 sehingga 05/12/2024
No. Permit Iklan & Jualan: 30194-112-2024/0386(A)-L
Tempoh Satu: 06/12/2022 sehingga 05/12/2024
Nama Pematu: CHIN NAM CITY DEVELOPMENT SDN. BHD. Tel: 03-9081 7731
Penganggar Taxan: Penganggar Kekal Tarikh Dangaku Siap: 4/2/2024 Harga Jualan (Min.) : MYR628,000.00 Harga Jualan (Mak.) : MYR1,050,000.00
Bilangan Unit: 27 Baki Unit Yang Belum Dijual Iaitu 14 Unit
Harga Bantuan yang meluluskan: Majlis Perbandaran Kuala Langat No. Rujukan: MPKL/KBP/1/4/6/2021(A)/13
IKLAN INI TELAH DILULUSKAN OLEH JABATAN PERUMAHAN NEGARA

110 sertai bengkel pengucapan awam

SUBANG JAYA - Seramai 110 individu pelbagai latar belakang menyertai bengkel pengucapan awam tajaan Kerajaan Negeri di Universiti Sunway.

EXCO Belia Najwan Halimi menjelaskan program dengan kerjasama Toastmaster International itu menyediakan program intensif sembilan bulan sehingga September.

"Peserta bukan setakat mendapat kemahiran pengucapan awam yang baik tetapi juga menambah ilmu dari segi jaringan komunikasi dan sebagainya."

"Saya lihat potensi untuk kita lahirkan belia yang fasih berbahasa Melayu tetapi dalam masa yang sama juga ingin menambah baik penguasaan bahasa Inggeris."

RM1 juta bantu mangsa bencana

PUTRAJAYA - Menteri Besar Selangor (Pemerbadanan) atau MBI memperuntuk RM1 juta bagi membantu mangsa bencana sepanjang tahun ini.

Ketua Tanggungjawab Sosial Korporat dan Komunikasi Korporatnya Ahmad Azri Zainal Nor berkata bantuan itu merangkumi mangsa banjir, tanah runtuh, ribut, kebakaran dan kemalangan.

"Bantuan tidak terhad kepada bencana seperti banjir sahaja. MBI juga turun padang untuk membantu mangsa kemalangan jalan raya terutama membabitkan mereka yang tidak berkemampuan."

"Kita juga terima permohonan pusat khidmat masyarakat di Dewan Undangan Negeri untuk pelbagai bantuan bencana," katanya pada 5 Januari.

Sebelum ini, Ahmad Azri memaklumkan MBI menyediakan dana RM1 juta untuk program bakul makanan.

LUAS siasat premis langgar peraturan

SHAH ALAM - Lembaga Urus Air Selangor (LUAS) menyiasat sebuah premis pemprosesan ayam yang mengabstrak air sungai tanpa kebenaran di Sungai Bakau, Rawang.

Tindakan tersebut dibuat hasil pemantauan pematuhan abstraksi air bumi dan air permukaan melalui Operasi Abstraksi Sumber Air pada 3 Januari.

"Pemeriksaan LUAS di sebuah premis pemprosesan ayam menemui sebuah pam air yang digunakan oleh pihak premis untuk mengambil air permukaan di kawasan sungai berhampiran iaitu Sungai Bakau."

"Semakan lanjut terhadap premis juga mengesan premis mengabstrak air dari Sungai Bakau tanpa sebarang permohonan dan kebenaran daripada LUAS," menurut kenyataan.

Menegaskan tidak sesekali berkompromi atas kesalahan undang-undang khususnya berkaitan pencemaran sungai, LUAS memaklumkan kertas siasatan kes itu dibuka untuk tindakan lanjut.

Giat promosi tahun melawat negeri

SHAH ALAM - Kerja mempromosi Tahun Melawat Selangor 2025 giat pada tahun ini termasuk mengadakan lawatan timbal balas ke beberapa negara bagi menarik lebih ramai pelancong.

EXCO pelancongan berkata kunjungan ke Indonesia dan India dirancang bagi mendapat kerjasama mereka manakala 40 pengusaha pelancongan dari Thailand pula mela-

wat Anjung Utara negeri.

Dato' Ng Suee Lim menambah dinding Bas Smart Selangor turut dihiasi gambar lokasi tarikan di negeri ini untuk hebahan untuk pelancong tempatan mahupun luar negara.

"Proses dibuat berperingkat dengan permulaan 15 bas. Ia membabitkan kira-kira 60 bas. Kita paparkan lokasi menarik antaranya taman tema air, pemandangan sawah padi dan air terjun.

Beliau menjangka pengunjung meningkat sehingga enam juta tahun ini susulan promosi 'Nak Bercuti? Pusing Selangor Dulu!' dan 'Splendid Selangor, Take Me Anywhere!'

"Tahun lalu, Selangor mencatat lima juta pengunjung dan kita jangka ia bertambah sejuta lagi. Tahun ini jadi pecutan untuk kita membuat hebahan dan mempromosi negeri," kata beliau.

Perluas agenda digital

Kempen PLATS ke luar bandar

Oleh SOFIA NASIR

SUBANG JAYA - Kempen Platform Selangor (PLATS) di bazar Ramadan pada tahun ini bakal diperluas ke luar bandar di seluruh negeri, kata EXCO Pemberdayaan Usahawan.

Najwan Halimi menjelaskan pentadbiran negeri mahu memberi pendedahan dan mengembangkan lagi konsep bayaran dalam talian khususnya kalanjan usahawan desa.



"Kita mahu kembangkan lagi di luar bandar. Di bandar, ramai bergerak dengan konsep pembayaran dalam talian dan ia bukan sesuatu yang asing."

"Untuk PLATS di bazar Ramadan, kita fokus seluruh negeri tapi kita mahu kenal pasti kawasan yang belum didekah dengan pembayaran digital," katanya pada 7 Januari.

Beliau menambah cabaran dalam kempen itu antaranya capaian internet terhad tetapi itu akan ditangani hasil kerjasama de-

ngan syarikat telekomunikasi.

"Cabarannya ada kawasan luar bandar masih belum dapat capaian internet 5G. Insya-Allah kita akan kerjasama dengan syarikat telekomunikasi untuk kita bantu," katanya.

Disember tahun lalu, Najwan memaklumkan kempen PLATS akan diperluas ke bazar Ramadan seluruh negeri pada 2024 bagi mendukung inisiatif pendigitalan.

Inisiatif berkenaan juga bakal meneruskan penggunaan Kupon Rahmah PLATS digital yang akan diedar kepada orang awam menerusi kod respon pantas (QR).

Tawar Rumah Selangorku, Smart Sewa

SHAH ALAM - Seramai 118 penduduk rumah panjang Kampung Bunga Raya di sini ditawar unit Rumah Selangorku dan kediaman bawah Skim Smart Sewa, kata EXCO Sumber Manusia V Papparai.

Merujuk kes penempatan sementara lebih 90 keluarga itu yang dipindah ekoran projek perumahan Dahlia di Seksyen U5 pada 1993, beliau berkata keputusan tersebut langkah jangka pendek.

Katanya, beliau diarah Dato' Menteri Besar Dato' Seri Amirudin Shari untuk

mencari jalan penyelesaian meskipun pengambilan tanah itu tidak melibatkan pentadbiran negeri sekarang.

"Jadi, saya atur pertemuan bersama penduduk untuk mencari jalan penyelesaian jangka pendek dan panjang."

"Hasil perbincangan yang turut disertai Lembaga Perumahan dan Hartanah Selangor, kita setuju tawar Rumah Selangorku dan kediaman Skim Smart Sewa sebagai penempatan sementara," katanya.

Pada 1993, pentadbiran negeri pada masa itu meminta penduduk berpindah ke rumah panjang sebagai penempatan sementara di tanah milik negeri dan berjanji memberi penempatan baru.

Sebaliknya, penduduk terkejut berikutnya kawasan rumah panjang itu dijual kepada pemaju swasta yang kemudian mengarahkan penduduk berpindah tanpa memberi sebarang penyelesaian alternatif.

RM2 juta bina tanah perkuburan

SHAH ALAM - Tanah perkuburan Islam Ukay Perdana fasa tiga di Ampang Jaya yang menelan perbelanjaan kira-kira RM2 juta berupaya menempatkan 2,500 jenazah.

Yang Dipertua Majlis Perbandaran Ampang Jaya (MPAJ) Dr Ani Ahmad menjelaskan projek pembangunan tersebut dijangka siap pada Mac.

Beliau menambah kos tanah perkuburan fasa satu yang berkapasiti 3,978 jenazah pula RM1.1 juta manakala perbelanjaan RM532,000 dalam fasa dua bagi

menampung 750 lagi jenazah.

Katanya, MPAJ juga mengambil inisiatif menganjurkan gotong-royong membersihkan tanah perkuburan Islam bawah pentadbirannya melibatkan kira-kira 300 sukarelawan.

"Kawasan perkuburan yang bersih membantu mewujudkan suasana tenang dan memberi keselesaan kepada waris yang datang menziarah," katanya pada 7 Januari.

Dr Ani berkata siri gotong-royong diadakan di tanah perkuburan Islam Cheras

Baru, Bukit Permai 2 dan Ukay Perdana pada Disember tahun lalu diikuti di Taman Kosas, Ampang.

Beliau memaklumkan kegiatan berkenaan dijalankan dengan kerjasama Majlis Pengurusan Komuniti Kampung Kampong Dato Mufti Shuib, kariah masjid berdekatan dan waris.

Katanya, Ahli Parlimen Ampang Rodzi Ismail dan Ahli Dewan Negeri Lembah Jaya Syed Ahmad Syed Abdul Rahman Alhadad pula memberi bantuan dari segi makanan dan peralatan gotong-royong.



BANTU... EXCO Pertanian Ir Izham Hashim menyampaikan sumbangan enjin kepada nelayan Abdul Malek Mansor dalam program Pembangunan Agroprenuer Bantuan Nelayan di Jeti Pengkalan Sungai Sireh, Klang pada 9 Januari.

Foto REMY ARIFIN

23,900 nikmati Jom Shopping

RM4.78 juta agih baucar perayaan

Oleh FITRI HAZIM HAZAM

SHAH ALAM - Sebanyak 23,900 baucar beli-belah bernilai RM4.78 juta disediakan sempena perayaan Tahun Baharu Cina, kata EXCO Pembasmian Kemiskinan V Papparai.

Beliau menjelaskan setiap Dewan Undangan Negeri (DUN) termasuk 22 kawasan pembangkang menerima antara 400 hingga 550 baucar mengikut populasi penduduk berketurunan Cina.

"Baucar paling banyak diagih di



DUN Kinrara dan DUN Bandar Utama iaitu 550. Ia diagih mulai 20 Januari hingga 9 Februari melalui pusat khidmat DUN masing-masing.

"Kita juga lantik wakil rakyat dan ahli parlimen terdekat untuk menyelaras baucar ini kepada penduduk di kawasan pembangkang," katanya pada 5 Januari.

Papparai juga menambah permohonan baucar Jom Shopping RM200 boleh dibuat di pejabat DUN bagi mereka yang pendapatan bulanan isi rumahnya bawah RM3,000 dan pen-

gundi Selangor.

Katanya, barangang tertentu boleh dibeli di lokasi terpilih antaranya Giant, Econsave, TF Value-Mart, NSK Trading, Mydin, Best Fresh Mart, Lotus, Sri Ternek Food Mart, CLC dan Grand Union.

Belanjawan Selangor 2024 memperuntuk RM16.48 juta bagi program pemberian baucar Jom Shopping sempena perayaan mengikut komponen kaum yang bakal memanfaatkan 82,400 penerima.

Selain Tahun Baharu Cina, inisiatif bawah Iltizam Selangor Penyayang turut diberi kepada keluarga kurang berkemampuan sempena sambutan Aidilfitri dan Deepavali.

Galak Orang Asli sertai TVET

SHAH ALAM - Usaha mengatasi isu keciciran pendidikan dalam kalangan anak Orang Asli dibuat termasuk menggalakkan mereka mempelajari bidang kemahiran tinggi, kata EXCO sumber manusia.

V Papparai berkata langkah itu antaranya membantu mereka mengikuti Pendidikan dan Latihan Teknikal dan Vokasional (TVET) di Pusat Pema-

ngunan Kemahiran Teknikal Selangor (STDC).

Katanya, STDC, institusi pendidikan teknikal negeri, menawarkan pelbagai latihan bermutu seiring matlamat melaikirkan pekerja berkemahiran tinggi bagi memenuhi keperluan industri.

"Kerajaan Negeri turut menawarkan penajaan menerusi Inisiatif Kemahiran Teknikal dan Ikhtisas Smart Selangor

(IKTISASS)," katanya pada 5 Januari.

Beliau berkata pentadbiran negeri mahu memastikan anak Orang Asli berpeluang melanjutkan pengajian seperti kaum lain lain seiring dasar Selangor yang menitik berat isu pendidikan.

"Kita harap usaha ini membina masa hadapan yang baik. Tanpa pendidikan, mereka terdedah kepada gejala sosial," katanya.

Siasatan ceroboh rumah MB selesai

SHAH ALAM - Kertas siasatan kejadian tiga individu menceroboh ke kediaman rasmi Dato' Menteri Besar Selangor pada 5 Januari diserah kepada timbalan pendakwa raya negeri.

Ketua Polis Daerah Shah Alam ACP Mohd Iqbal Ibrahim berkata pihaknya menyelesaikan siasatan kes pada 7 Januari walaupun tempoh reman singkat.

"Mereka diberi jaminan polis dan siasatan selesai dalam tempoh reman diberi. Kita akan rujuk kertas siasatan kepada TPR Selangor," katanya.

Media sebelum ini melaporkan tiga suspek berusia antara 31 hingga 35 tahun direman dua hari oleh Mahkamah Majistret untuk disiasat bawah Seksyen 447 Kanun Keseksaan.

Atasi isu penduduk Ladang Mary

KUALA SELANGOR - EXCO pembasmian kemiskinan sedia bertemu wakil penduduk dan pengurusan Ladang Mary bagi merungkai pelbagai masalah termasuk isu berkaitan jalan raya.

Wakil EXCO R Ananthan menjelaskan pertemuan yang bakal dipengerusikan V Papparai dijadual berlangsung pada Februari di bangunan pentadbiran negeri demi kepentingan penduduk di situ.

"Bulan lalu, pejabat EXCO menerima kunjungan berkaitan isu di Ladang Mary. Justeru, EXCO menunjukkan inisiatif untuk membantu menyelesaikan masalah rakyat.

"Masalah sejak 20 tahun lalu antaranya isu jalan raya di Ladang Mary, Ladang Sungai Tinggi dan Ladang Minyak yang daif sehingga mengganggu sesi persekolahan, perumahan dan banjir."

"EXCO bersetuju untuk mengadakan mesyuarat penyelaras dengan bertemu dengan pihak terbabit untuk menyelesaikan isu ini secara berhemah dan harmoni," katanya.

Mangsa kebakaran terima bantuan tunai

SHAH ALAM - Yayasan Islam Darul Ehsan (Yide) menghulur bantuan kecemasan kepada mangsa kebakaran di Kampung Sungai Salak Tambahan Batu 9, Gombak.

Sumbangan berbentuk wang tunai dan Pek Kasih Yide yang mengandungi barang asas diberi bagi meringankan beban keluarga itu.

"Yide menzahirkan ucapan terima kasih kepada semua penyumbang yang menyurukkan infak dana musibah. Yide menyerahkan sumbangan kalian kepada orang yang berhak," tulisnya Facebook pada 8 Januari.

Kejadian pada 5 Januari memusnahkan hampir 90 peratus kediaman mangsa menyebabkan kesemua ahli keluarganya tinggal sementara di rumah saudara.

Daftar rumah anak yatim bawah Yide

SHAH ALAM - Yayasan Islam Darul Ehsan (Yide) mengajak pengendali rumah anak yatim di seluruh negeri untuk mendaftar bawah yayasan berkenaan demi menjaga kebajikan penghuni.

Permohonan boleh dibuat di laman www.yide.com.my atau hubungi Muhammad Zubair Azizan menerusi talian 03-3345 9900 atau 017-756 9476 untuk maklumat lanjut.

"Yide membuka pendaftaran rumah anak yatim kepada mana-mana pihak yang mengendalikan rumah anak yatim di Selangor agar kelangsungan kebajikan anak-anak yatim sentiasa diberi perhatian.

"Ayuh bersama-sama kita menerangi kehidupan mereka dengan sokongan dan keprihatinan kita!" menurut Yide menerusi Facebook pada 7 Januari.

Usaha bersih pantai Tanjung Harapan

SHAH ALAM - Seramai 100 individu menyertai program pembersihan kawasan pantai Tanjung Harapan 'We Care For The Ocean' anjuran badan bukan kerajaan Enlightenment Movement.

Menurut Majlis Perbandaran Klang (MPK), program antara 8 pagi hingga 12 tengah hari itu mendapat kerjasama KDEB Waste Management dan Kelab Warisan Sungai Klang.

"Program untuk meningkatkan kesedaran dan kepedulian masyarakat setempat terhadap kelestarian laut serta usaha pemuliharaan keadaan pesisiran pantai," kata kenyataan pada 7 Januari.

Turut memeriahkan program berkenaan ialah wakil Jabatan Kemasyarakatan dan Jabatan Perancang Bandar MPK.

Tanjung Harapan disenarai Tourism Selangor antara lima lokasi popular pelancong dan kaki pancing di negeri ini.

Skim pembiayaan kembang niaga

SHAH ALAM - Yayasan Hijrah Selangor (Hijrah) menawarkan pelbagai skim pembiayaan bagi membantu usahawan untuk memulakan perniagaan mahupun mengembangkannya.

Pembiayaan tersebut antaranya skim i-Bisnes, Zero To Hero, Niaga Darul Ehsan (NADI), Go Digital, i-Bermusim dan Pembangunan Usahawan India Selangor (SITHAM).

Pemohon boleh muat turun maklumat menerusi www.hijrahselangor.com/risalah-skim-hijrah.../ atau pautan mikrokredit.selangor.gov.my/ selain menghubungi cawangan berhampiran untuk maklumat lanjut.

Sejak 2010, HIJRAH menyalur RM775 juta modal tambahan yang memberi manfaat kepada 58,000 usahawan kecil dan sederhana memulakan serta meluaskan perniagaan.

Tampung belanja baiki rumah

HULU LANGAT - Keluarga mangsa kebakaran di Taman Bukit Mewah dan Kampung Sungai Sekamat bersyukur menerima sumbangan RM2,000 daripada Menteri Besar Selangor (Pemerbadanan) atau MBI.

Mangsa Mohd Amin Sa'arim, 44, berkata wang tunai berkenaan sedikit sebanyak membantunya menampung perbelanjaan membaiki rumahnya di Kampung Sungai Sekamat yang terbakar pada November.

"Saya menanggung kerugian sejumlah RM65,000 selepas 40 peratus ruang atas rumah saya terbakar.



"Terima kasih juga kepada Dato' Menteri Besar Dato'Seri Amirudin Shari atas maklum balas pantas terhadap surat yang saya kirim untuk memohon bantuan akibat musibah ini," katanya.

Mohd Amin antara enam keluarga yang menerima bantuan daripada MBI dalam satu majlis di Pejabat Dewan Undangan Negeri (DUN) Kajang, di sini pada 9 Januari.

Seorang lagi mangsa, Ng Kon Fah, 72, yang terjejas selepas kediamannya di Taman Bukit Mewah terbakar turut meluahkan



terharu dan syukur dengan bantuan tunai yang diterimanya.

"Isteri hubungi saya ada kebakaran sehingga marak ke rumah kami. Apabila sampai, saya terkejut melihat kepuilan asap yang tebal di ruangan tamu.

"Saya mengalami kerugian RM20,000 dan bantuan dari MBI akan digunakan menampung kos baik pulih rumah," katanya.

Ketua Tanggungjawab Sosial dan Komunikasi Korporat MBI Ahmad Azri Zainal Nor berkata pihaknya menghulur bantuan tunai RM12,000 kepada enam mangsa kebakaran sebagai tanda prihatin selepas berdepan musibah berkenaan.

Pendaftaran mulai 2 Januari

Mohon bantuan yuran taska RM100

Oleh SHEEDA FATHIL

SHAH ALAM - Pendaftaran Skim Bantuan Asuhan Anakku Pintar (Asuh Pintar) sesi 2024 dibuka sejak 2 Januari, kata penolong pengurus Komunikasi Korporat Yayasan Warisan Anak Selangor (Yawas).

Menurut Sharizan Mohd Shariff, permohonan subsidi yuran taska RM100 itu terbuka kepada keluarga berpendapatan sederhana yang ada sekurang-kurangnya dua anak berusia empat tahun ke bawah.

"Ibu bapa yang memenuhi syarat kelayakan akan menerima bantuan yuran taska atau pusat jagaan sebanyak RM100 setiap bulan. Permohonan

terhad dan boleh dimohon mulai sekarang.

"Bantuan tersebut akan dibayar terus kepada taska atau pusat jagaan anak-anak mereka," katanya pada 4 Januari.

Permohonan boleh dibuat dalam talian menerusi asuhpintar.yawas.my/ web/ dengan mengirim dokumen lengkap dalam tempoh 14 hari bekerja.

Dokumen itu antaranya salinan sijil kelahiran anak, salinan kad pengenalan pemohon dan pasangan serta salinan surat perakuan anak angkat/cerai/sijil kematian/pengesahan ibu tunggal/sakit (jika perlu).

Selain itu, cop pengesahan taraf mastautin (bagi bukan Selangor), dokument sokongan atau surat akuan sum-

pah (bagi kes khas) dan slip gaji terkini pemohon dan pasangan.

Berikut antara syarat kelayakan permohonan:

- Warganegara Malaysia
- Lahir serta menetap di Selangor atau tidak dilahirkan di Selangor tetapi menetap sekurang-kurangnya lima tahun
- Pendapatan isi rumah RM5,000 ke bawah
- Suami dan isteri bekerja
- Anak berusia empat tahun ke bawah
- Terhad kepada dua anak sahaja
- Taska berdaftar dengan Jabatan Kebajikan Masyarakat
- Ibu dan bapa pengundi berdaftar di Suruhanjaya Pilihanraya Malaysia

Edar 10,000 kupon digital di bazar

SHAH ALAM - Sebanyak 10,000 Kupon Digital Rahmah akan diedar kepada orang ramai sempena kempen Platform Selangor (PLATS) yang diperluas ke bazar Ramadan pada tahun ini.

Ketua Tanggungjawab Sosial Korporat dan Komunikasi Korporat Menteri Besar Selangor (Pemerbadanan) atau MBI Ahmad Azri Zainal Nor berkata inisiatif itu menggalakkan agenda pendigitalan.

"Kempen PLATS Masuk Pasar yang diperkenal tahun lalu kini diperluas ke bazar Ramadan dalam mempromosi-



nya secara digital sekali gus membantu meningkatkan pendapatan peniaga berdaftar.


"Setiap pihak berkuasa tempatan (PBT) akan mencadangkan satu lokasi terpilih untuk agih kupon tersebut. Nilai setiap kupon akan dimaklumkan dalam masa terdekat," katanya pada 4 Januari.

PLATS diperkenal pada Ramadan 2020 bagi melengkapkan ekosistem Agenda Digitalisasi Selangor menerusi platform digital susulan penularan wabak Covid-19.

Program itu antara inisiatif Kerajaan Selangor bagi membantu golongan perusahaan kecil mikro sederhana untuk mengadaptasi pendigitalan dalam perniagaan.

PLATS juga memperkenal inisiatif baharu iaitu program Latihan Pembangunan Usahawan Plats (U-PLATS) bagi membantu usahawan menguruskan perniagaan secara digital.

Tahun lalu, Kempen PLATS Masuk Pasar selama dua bulan diperkenal meliputi 12 lokasi terpilih dengan mendarat 20,000 Kupon Digital Rahmah bernilai RM5 bagi meneruskan agenda pendigitalan.



“Di Selangor tak pilih kasih. Duit untuk anak yatim, raya dapat, raya haji dapat daging, setiap tahun dapat bantuan naik sekolah. Apa lagi saya nak?”

Rezeki kasih mentua

Oleh NAZLI IBRAHIM
Foto AHMAD ZAKKI JILAN

Kasih mentua bawa rezeki. Itulah gambaran dukungan mentua terhadap Roziah Awang, 40, hingga memiliki kedai makan sendiri. Wanita kelahiran Kelantan itu meraih Anugerah Success Story pada 3 Disember 2022 dalam Majlis Penyampaian Anugerah Penerima Cemerlang Bantuan Blueprint Pembasmian Kemiskinan 2022 di Dataran Kemerdekaan Shah Alam.

Kejayaan Roziah banyak dibantu ibu mentua Sete Tokalah atau dikenali Wak Ilah yang meninggal dunia semasa usia 70 tahun pada 2019. Wanita itu bernikah dengan Yusof Haron, 45, pada 2012.

Bapa mentua Haron Md Shom, 74, atau mesra disapa Wak Haron yang lumpuh dan dijaga Roziah ketika ini, banyak memberi nasihat dan dorongan berniaga.

Segalanya bermula apabila beliau yang kematian suami pertama lima tahun sebelumnya mendapat restu Wak Ilah berniaga nasi berlauk di halaman rumah mentua pada 2013.

Mulanya beliau bekerja kilang bagi membantu suaminya yang bekerja swasta menyara keluarga sebelum berhenti selepas melahirkan anak ketiga.

Melihat kesungguhan Roziah, ibu mentuanya memberi modal RM10,000

untuk mendirikan gerai kecil yang memuatkan lima meja, selepas empat bulan berniaga.

“Masa itu saya seorang sahaja berniaga nasi berlauk. Kata orang pengenalan pertama, tak ada orang lain jual nasi berlauk.

“Paling cantik jualan kasar boleh dapat RM3,000 hingga RM4,000 sehari,” kata wanita empat anak itu ketika ditemui pada 30 November tahun lepas.

Berikutnya sambutan menggalakkan, Roziah membina kedai lebih besar untuk keselesaan pelanggan setahun kemudian.

Bermodalkan simpanan hasil perniagaan, tabungan anak dan hasil jualan barang kemas sendiri, Roziah membina kedai makan di tanah ibu mentuanya di Jalan Kebun, Shah Alam.

Ia terpaksa dibina sedikit demi sedikit kerana kekangan kewangan sehingga Wak Ilah menghulur RM300,000 sekali gus mencukupkan kos pembinaan kedai sebanyak RM600,000.

Sebaik tegaknya kedai makan Kak Yah Nasi Berlauk pada 2018, Roziah menambah menu sehingga 40 jenis lauk antaranya kerutuk itik, kambing kawah dan gulai ayam dengan tiga pilihan nasi putih, nasi dagang atau nasi kerabu.

Dibantu sembilan pekerja, kedai makan Kak Yah Nasi Berlauk dibuka lima pagi hingga dua petang selain tempahan diantar ke beberapa kilang setiap hari.

Pada hari bekerja, jualan antara RM3,000 hingga RM4,000 sehari, manakala pada Sabtu dan Ahad mencecah RM6,000 sehari.

Hijrah

Meski kelahiran Kelantan, Roziah mengakui banyak mendapat manfaat menjadi penduduk Selangor. Pernah menjadi penerima zakat bawah Lembaga Zakat Selangor (LZS) pada 2008, Roziah juga mendapat pelbagai bantuan termasuk pinjaman Yayasan Hijrah Selangor.

Walau berstatus ibu tunggal dua anak waktu itu, Roziah memohon LZS menamatkan bantuan kerana mampu bekerja selain menerima pencen Pertubuhan Keselamatan Sosial (Perkeso) suami pertama.

“Di Selangor tak pilih kasih. Duit untuk anak yatim, raya dapat, raya haji dapat daging, setiap tahun dapat bantuan naik sekolah. Apa lagi saya nak?” katanya.

Pada 2020, Roziah membuat

pinjaman Hijrah sebanyak RM15,000 untuk membeli peti ais dan peralatan dapur. Beliau melangsungkan pinjaman dalam enam bulan.

Tahun sama, beliau membuat pinjaman kali kedua sebanyak RM20,000 untuk mengubah suai kedai dengan menambah sengkuap.

Pada 2021, Roziah meminjam RM30,000 untuk memasang kamera litar tertutup dan peralatan lain, manakala RM50,000 pada 2022 untuk pemasangan lantai jubin dan ubah suai dapur.

Pinjaman untuk mengembangkan perniagaan mudah diluluskan kerana rekod bayaran balik Roziah cukup baik.

“Setiap kali pinjam Hijrah saya tidak guna semua duit itu, saya simpan. Kalau dapat RM20,000 saya guna lebih kurang separuh.

“Selebihnya simpan untuk kecemasan untuk bayar pinjaman sekiranya tak boleh niaga sebab sakit dan sebagainya,” katanya.



Nilai demokrasi Islam

Walaupun 30 tahun diperintah secara kuku besi, Indonesia hari ini menyaksikan satu usaha cemerlang untuk membongkar kembali dan mengukuhkan budaya toleransi, kesetaraan dan kesuilaan.

Pejuang-pejuang Islam sivil memainkan peranan utama dalam kebangkitan ini.

Muslim sivil menolak mitos negara Islam. Namun mereka tidak pula menyisihkan Islam ke ruang peribadi semata-mata, sebaliknya menegaskan bahawa ada jalan tengah antara pemperibadian yang dibawa oleh liberalisme dan versi negara Islam bersifat pembuli yang diajukan golongan konservatif.

Jalan tengah itu berbentuk agama awam yang suaranya didengar menerusi pertubuhan mandiri, dialog terbuka dan teladan baik daripada golongan beragama.

Pastinya Islam yang demokratik dan sivil ini hanya masuk akal kita percaya bahawa Islam sejahtera dengan nilai-nilai demokrasi, atau bahkan ia terbina di atas nilai-nilai berkenaan.

Tiada siapa jika dapat manafikan bahawa keyakinan ini melibatkan pentafsiran, dan Muslim konservatif berhak untuk menegaskan yang mereka tidak berkongsi keyakinan yang sama.

Seperti banyak pihak di Barat pada awal kurun ke-20, sebahagian daripada golongan konservatif hanya melihat segala peluang daripada negara moden tanpa melihat bahaya yang terdapat padanya.

Mereka mahu menggunakan kuasa negara untuk meranapkan tembok antara ruang awam dan ruang peribadi, serta memaksa warga dengan nilai baik.

Bagaimanapun, dengan berbuat demikian mereka mengkhianati prinsip yang dipegang teguh oleh golongan Muslim yang lain: bahawa agama mereka yang agung menegaskan tidak boleh ada paksaan dalam agama, serta kebebasan, kesetaraan, dan keadilan adalah antara nilai-nilai teras Islam.

Bagaimanapun, hanya sejumlah kecil Muslim Indonesia yang masih berpegang dengan konsep negara Islam.

Tidak dapat dinafikan wujudnya selisih pandangan yang besar dalam soal kadar perwakilan Muslim dalam kerajaan dan ekonomi.

Juga tidak dapat dinafikan yang sebahagian ahli politik akan menganjurkan semangat eksklusif di kalangan Muslim bagi menumpulkan usaha ke arah melahirkan politik Muslim yang inklusif.

Namun majoriti Muslim telah sedar yang pemahaman mereka terhadap perintah Tuhan akan lebih relevan jika mereka menjalinkannya dengan pentafsiran ke atas sejarah dan budaya



Indonesia.

Majoriti juga mengambil pengajaran daripada tindakan-tindakan berlebihan Soeharto, iaitu bahawa sikap curiga yang kritis leluhur mereka terhadap negara masih relevan bagi politik zaman ini.

Dengan itu Muslim akhirnya menjadi sebahagian daripada dunia yang dikongsi bersama golongan lain, dan politik Muslim menjadi sebahagian daripada kemodenan yang majmuk.

Pembaharuan agama

Berlawanan dengan ramalan terdahulu, agama di zaman kita ini sama sekali tidak merosot atau disumbat ke dalam ruang peribadi. Dunia moden menyaksikan kebangkitan agama.

Pembaharuan agama tidak berhasil sebagai satu bentuk reaksi penentangan terhadap dunia moden, sebaliknya sebagai respons kreatif terhadapnya.

Malah beberapa pembaharuan agama yang paling berjaya berkembang subur dengan cara melibatkan diri dalam masyarakat massa dan berjarak daripada elit eksklusif.

Dengan terjun ke ruang awam secara begitu, sebahagian daripada agama yang telah diperbaharui bentuknya itu hanya mengerah orang ramai ke arah matlamat autoritarian.

Sebahagiannya pula menggantikan makna-makna yang pelbagai dengan slogan keagamaan yang tunggal.

Sepertimana Amerika di kurun ke-19 menyaksikan pergelutan merebut sokongan Protestant, dunia Muslim hari ini menyaksikan persaingan sengit untuk menentukan tafsiran dan kedudukan agama dalam masyarakat.

Memandangkan pembaharuan keagamaan secara besar-besaran telah berlaku, Muslim berdepan dengan pilihan yang sama seperti yang dihadapi semua penghuni dunia moden yang lain.

Pembentukan semula tradisi mereka berlaku dalam sebuah dunia yang sarat dengan penghijrahan, pembandaran, dan komunikasi yang menjadikan arus rentas budaya menyerap masuk melewati sempadan negara.

Dalam persekitaran ini, tradisi yang menganggap dirinya sebagai pemegang tafsiran yang mutlak berdepan dengan dilema: bagaimana hendak terus mengekalkan pandangan alam dan penglibatan dalam masyarakat tetapi pada masa sama mengakui kepelbagaiannya di zaman ini.

Pilihan yang diambil oleh mana-mana masyarakat agama akan ditentukan bukan oleh kebenaran-kebenaran abadi sesebuah kitab, tetapi oleh pergelutan merebut pengaruh di kalangan pengikut aliran-aliran pentafsiran Kalam Tuhan.

Dalam kes Muslim, kita tahu sebahagian kelompok mendakwa Kalam Tuhan menuntut agar sempadan yang memisahkan negara daripada masyarakat dirobohkan.

Bagi mereka, negara diperlukan untuk menjadikan rakyat baik. Namun pasaran, media, dan penghijrahan yang berlangsung di zaman kini menjadikan proses pembentukan negara Islam dalam bentuk sedemikian sesuatu yang sukar.

Orang boleh mencuba, tetapi mereka berulang kali gagal. Nilai-nilai baik akhirnya diganti dengan kemunafikan dan salah guna ajaran, dan agama sendiri akan terancam.

Pendekatan ini gagal kerana ia jauh menyimpang daripada kepelbagaiannya dan pergerakan zaman kita, dan kerana para penguasa yang tidak diimbangi kuasanya akhirnya akan menyalahgunakan kebenaran yang dirasakan sebagai hak mereka untuk mengawalnya.

Maka, bagi umat Islam penyatu Islam dan negara akhirnya akan menyebabkan agama ditundukkan menurut kehendak negara.

Berdepan dengan bencana ini, sebahagian Muslim yang lain berpegang dengan gagasan-gagasan demokratik dan jenis Islam sivil tertentu untuk melindungi agama mereka yang agung dan mengekalkan kompas etika di tengah gelora zaman moden.

Petikan muka surat 316-320 buku Islam Dalam Politik dan Pendemokrasian di Indonesia, terjemahan Civil Islam: Muslims and Democratization in Indonesia tulisan Robert W Hefner. Ia boleh dibeli melalui bukuibde.com atau toko Rencana, Bandar Sri Damansara, Petaling Jaya.



Akidah dan politik



MARWAN BUKHARI A HAMID
ialah penulis dan penterjemah.
Lulusan Universiti Yarmouk,
Jordan dan Universiti
Sains Islam Malaysia

Kehidupan seseorang muslim terikat dengan akidah yang dianutinya. Dua kalimat syahadah ialah ungkapan yang ringkas tapi menegaskan keimanan seseorang kepada Allah SWT dan Rasulullah SAW.

Kesannya, setiap tindak-tanduk muslim hendaklah bertepatan serta tidak bertentangan dengan suruhan, larangan dan kebenaran syarak sebagaimana terdapat dalam al-Quran dan al-Sunnah.

Keimanan sahaja tidak memadai kerana akidah memerlukan pembuktian menerusi amalan. Ini antara rahsia kenapa ayat “orang yang beriman dan beramal saleh” sentiasa disebut secara beriringan. Keimanan hendaklah dibuktikan dengan amalan.

Antara bentuk amalan ialah ibadat khusus berupa solat, puasa, haji dan sebagainya. Antara amalan lain ialah urusan kekeluargaan, kemasyarakatan dan hal ehwal politik.

Justeru, benarlah kenyataan bahawa Islam dan politik tidak boleh dipisahkan. Setiap tindakan seseorang muslim akan dihitung oleh Allah. Tapi persoalannya ialah bagaimana bentuk hubungan itu?

Cabang agama

Kalau akidah dikenali sebagai dasar (usul) agama, politik pula termasuk dalam cabang (furu') agama. Akidah berkaitan sistem kepercayaan, manakala politik pula berkaitan dengan amalan yang tertakluk kepada perbahasan fiqh.

Imam al-Ghazali menyebut dalam karyanya al-Iqtisad fi al-I'tiqad (Perihal Kesederhanaan Dalam Beriktikad) bahawa urusan kepemimpinan (imamah) tidak termasuk dalam perkara-perkara utama agama.

Kenyataan al-Ghazali itu konsisten dengan pandangan para ulama aliran Sunni yang menyebut bahawa politik adalah cabang agama dan bukannya dasar. Matan terkenal akidah, Jawharah al-Tawhid oleh Sheikh Ibrahim al-Laqqani merumuskan bahawa:

“Urusan pelantikan pemimpin bukanlah rukun yang dijadikan akidah dalam agama.”

Pegangan Sunni ini berbeza dengan kelompok Syiah dan Khawarij yang menjadikan perbincangan politik termasuk dalam ruang akidah.

Malah, antara faktor perbahasan tentang imamah (kepemimpinan) dimasukkan dalam karya akidah oleh aliran Sunni adalah kerana membantah golongan yang menganggapnya sebagai akidah atau dasar agama.

Dalam masa sama, ulama Sunni turut mempertegas bahawa politik hanyalah cabang agama.

Perbezaan antara pandangan dan keputusan politik hanya akan melibatkan “betul” atau “salah” sahaja, bukannya “Islam” dan “kufur”.

Pertembungan dalam politik terutamanya dalam negara Islam ialah pertembungan antara idea dan tindakan, bukan antara iman dan kekufturan.

Politik Islam

Sekiranya perbincangan akidah memerlukan dalil khusus dan jelas sebelum menerima sesuatu sebagai akidah, perbincangan politik pula tidak semestinya memerlukan sandaran dalil khusus. Malah, sebagaimana kata-kata terkenal Imam Ibn ‘Aqil:

“Politik menurut syarak itu ialah tindakan yang mana dengannya manusia lebih dekat kepada kebaikan dan jauh dari kerosakan, sekalipun ia tidak ditetapkan oleh Rasul dan tidak diturunkan wahyu mengenainya.”

Kalau kita memperakui politik sebagai “cabang” yang tentulah di ruang fiqh, maka kita perlu tahu bahawa dalam kalangan perbahasan fiqh itu sendiri perbahasan politik lebih anjal berbanding yang lain.

Politik bukan di ruang fiqh ibadat yang terkenal lebih tegas dari segi pendalilannya.

Solat, puasa, haji, umrah dan lain-lain urusan ibadat hanya boleh dilakukan menurut dalil-dalil al-Quran, al-Sunnah, ijmak dan qiyas.

Namun, politik pula berorientasikan “kebaikan” dan “keburukan” sebagaimana kata-kata Ibn ‘Aqil sebentar tadi.

Selain melakukan yang baik dan meninggalkan yang buruk, politik juga bermaksud memilih yang paling baik dalam kalangan yang baik dan menolak yang paling buruk dalam kalangan yang buruk.

Oleh sebab itu, politik Islam bukan sahaja menerima idea-idea baharu untuk dilaksanakan, malah boleh menerima model dan amalan pentadbiran tamadun selain Islam.

Syaratnya model dan amalan boleh membawa kebaikan kepada masyarakat dan tidak bercanggah dengan syarak.

Antara contoh paling jelas ialah penerimaan ulama terhadap amalan demokrasi dalam memilih pemimpin dan pentadbiran negara.

Para ulama seperti Ibn ‘Ashur, Abdul Razaq al-Sanhuri, Muhammad al-Ghazali, Yusuf al-Qaradawi dan ramai lagi menerima amalan demokrasi walaupun sejarah kemunculannya bukan daripada tamadun Islam.

Walaupun ada kekurangan, tapi amalan ini dilihat boleh merealisasikan prinsip-prinsip Islam berkaitan pentadbiran seperti prinsip syura, keadilan, hak rakyat, semak imbang dan sebagainya.

Kita boleh katakan bahawa politik Islam dipandu oleh prinsip dan nilai agama seperti keadilan, kebaikan, amanah dan lain-lain. Dalam masa sama, kaedah pelaksanaan prinsip dan nilai itu terbuka kepada perubahan dan cabaran zaman.

Politik ialah seni yang mencabar. Pengamalnya perlu memahami aspirasi agama dan berbuat sehabis baik demi kebaikan rakyat dan negara.

Agama hendaklah memandu dan dimanfaatkan, bukannya diperalat demi kepentingan parti.

Tindakan memperalat berbanding memanfaat akan mengakibatkan perbezaan yang asalnya antara “betul” dan “salah” akhirnya menjadi ruang menuduh lawan sebagai “kafir”, “munafik” dan gelaran-gelaran lain.



Misbun menunjukkan servis S, yang diharamkan Persekutuan Badminton Dunia, ketika gimik perasmian Pameran Anak-Anak Sidek di Muzium Sultan Alam Shah pada 9 Januari



Pegawai Penerangan PADAT Farhani Shamsudin memberi penjelasan kepada keluarga Khoo Siew Ming pada 11 November 2023 mengenai pingat kejohanan



Misbun (kiri) dan Jalani mendatangi poster zaman kegemilangan mereka sambil disaksikan Borhan dan Ketua Pegawai Eksekutif PADAT Dr Nadia Widyawati Madzhi pada 9 Januari



Sahabudin Kaslin menunjukkan kepada anak perempuannya sebahagian piala yang diraih ahli keluarga Sidek pada 11 November 2023



Borhan dan Pengarah Unit Perancang Ekonomi Negeri Dato' Johary Anuar mendengar penjelasan Misbun mengenai pingat kejohanan pada 9 Januari



Sekumpulan pengunjung remaja meneliti lliku perjalanan lima bersaudara dari Kanchong Darat, Kuala Langat hingga meraih pelbagai kejayaan pada 9 Januari



Pengunjung terpesona dengan foto bersejarah, piala serta pingat kejohanan dan keratan komik Anak-Anak Sidek yang merakam kejayaan keluarga itu pada 9 Januari



Pengenalan diri dan foto lima bersaudara Misbun, Razif, Jalani, Rahman dan Rashid yang menghiasi dinding kiri pintu masuk pameran

Selepas zaman kegemilangan Datuk Eddy Choong, Datuk Tan Aik Huang dan Datuk Punch Gunalan, ahli keluarga Sidek kelompok pemain badminton kebangsaan mengharum nama negara di persada dunia.

Selain mengungguli acara perseorangan dan beregu, Datuk Misbun, Datuk Razif, Dato' Sri Jalani,

Rahman dan Datuk Rashid meraih kejayaan manis kira-kira dua dekad, termasuk membawa pulang Piala Thomas pada 1992.

Bapa mereka Dato' Sidek Abdullah Kamar membimbing sejak 1960-an di gelanggang halaman rumah di Kampung Kanchong Darat, Kuala Langat seawal usia putera sulung Misbun tujuh tahun sebelum seorang demi seorang mencapai kejayaan mulai 1980.

Dirasmikan EXCO Kebudayaan Borhan Aman Shah

pada 9 Januari, Pameran Anak-Anak Sidek: Legenda Badminton Negara mempar koleksi piala, pingat dan gambar lliku perjalanan lima bersaudara itu.

Dibuka percuma, pameran di Muzium Sultan Alam Shah, Shah Alam antara 1 November 2023 hingga 30 April anjuran Perbadanan Adat Melayu dan Warisan Negeri Selangor (PADAT).

Jurufoto FIKRI YUSOF dan REMY ARIFIN merakam majlis perasmian dan minat mendalam pengunjung pameran tersebut. Keterangan gambar oleh HAFIZAN TAIB.



Che Muhammad Shah Jahan Che Mansor dan Muhammad Fakhru Zikri Alias, pada 7 Januari, menatap sumpul surat hari pertama kejohanan Piala Thomas 1992 di Kuala Lumpur



Nurshafiqah Muhamad Rezduan (kanan) dan adiknya Nurfarhanah membeli naskhah asal komik Anak-Anak Sidek, yang diterbit antara 1995 hingga 2005, pada 7 Januari



Seorang wanita bersama anaknya mengagumi darjah dan bintang kebesaran yang dianugerah kepada ahli keluarga Sidek pada 11 November 2023



Peminat sukan badminton Adnan Zubir dan anaknya meneka bilangan bulu tangkis, satu daya tarikan, ketika mengunjungi pameran pada 7 Januari



Seorang peminat kecil menguji bakat memukul bulu tangkis untuk dimasukkan ke lubang dengan markah antara 10 hingga 50 pada 11 November 2023



Tentang kendala proses kreatif

Oleh JACK MALIK

Ilustrasi FAHMI MUSTAFFA

Proses ialah nama lain untuk progress (kemajuan). Laman sesawang Dewan Bahasa dan Pustaka (DBP), Pusat Rujukan Persuratan Melayu, merakam maksud “proses” sebagai (a) satu siri tindakan yang dilakukan untuk membuat, menghasilkan, atau mencapai sesuatu; (b) kaedah teknik operasi yang digunakan...untuk membuat sesuatu.

Bagi saya, proses ialah tindakan yang mempunyai niat untuk melakukan sesuatu dengan menggunakan apa jua kejujuran, kemahiran dan kejernihan akal juga kalbu dalam mencapai sebuah hasil. Proses ialah pergerakan. Peralihan dari satu titik ke titik. Nama lain untuk “perjalanan” bagi seorang pengkarya.

Seorang pengkarya perlu bergerak untuk “hidup.”

Pergerakan yang dimaksudkan ini hadir dalam pelbagai bentuk—membaca buku, melepas bersama kawan-kawan, menjalani kehidupan sehari-hari, malah mengambil masa bersendirian tidak melakukan apa-apa secara khusus. Semua ini, selain berkarya, merupakan kemajuan. Bahkan, dalam tangan seorang pengkarya, “berlengah-lengah” ada seninya. Ia suatu alat untuk menajamkan krafnya. Apa yang diperlukan hanyalah menukar satu perkataan yang sering dipandang serong kepada satu perkataan lain yang membawa maksud penambahbaikan. Roy Peter Clark dalam bukunya, *Writing Tools: 55 Essential Strategies for Every Writer*, menulis tentang 55 jenis “alat” strategi untuk diguna dan diterapkan ke dalam penulisan seorang pengkarya. Clark menyatakan tentang alat ke-41:

Bagaimana kalau kita menemukan nama baru untuk berlengah-lengah (procrastination)? Bagaimana kalau kita panggil ia sebagai raptai (rehearsal)?.. Dalam bahasa mudah, penulis yang berhasil, mereka menulis...dalam kepala mereka.... Seorang penulis tidak perlu menulis untuk dia menulis. Untuk menulis dengan pantas, anda perlu menulis secara perlahan-lahan. Untuk menulis menggunakan tangan, anda mesti menulis dahulu dalam kepala anda.

Buntu kata

Idea yang menarik. Tidak perlu menulis untuk menulis. Ini juga nama lain untuk rehat. Adakala, kita terasa lelah dengan kata-kata lewah. Kita bukan sahaja penat menghasilkan karya-karya yang (kita sendiri menghukum diri dan merasa) tidak semengah, bahkan kita juga penat dengan tidak menghasilkan apa-apa. Tetapi jika kita faham proses “kebuntuan” ini tidak lain tidak bukan hanyalah

“raptai” untuk kita tiba di suatu tempat yang harus kita tiba, semuanya baik-baik belaka. Clark juga menyarankan untuk mempercayai naluri kita dan paling penting, pada pendapat saya, berlembut dengan diri sendiri kerana ada hari kita akan “menulis banyak kata-kata yang teruk” dan ada hari kita akan menulis “banyak kata-kata yang elok,” puji Roy Peter Clark. “Mungkin kata-kata yang teruk itulah jalan wajar untuk menuju ke arah kata-kata yang elok,” sambung beliau.

Inilah proses penulisan. Setiap jalan yang diharungi, kita tidak pasti ke manakah ia akan bawa kita pergi. Inilah juga antara klise paling hakiki.

Seterusnya, klise paling benar ialah membaca. Bidalan warga Barat ada beratnya: kita adalah apa yang kita santap. Dan santapan paling bergizi dan berkhasiat untuk seorang penulis ialah amalan membaca. Pencerahan paling saya ingat berlaku empat tahun yang lalu di Lapangan Terbang Antarabangsa Pulau Pinang. Kebetulan, saya terserempak dengan Faisal Tehrani.

Kami berdua terlibat dalam acara Pesta Sastera George Town (GTLF) tahun tersebut.

Pak Teh bertanyakan kepada saya tentang puisi dan saya berkongsi pandangan saya. Seterusnya, apa yang beliau katakan saya pegang sampai bila-bila. “Apa yang kita baca hari ini, kesannya dapat dilihat 10 tahun akan datang.” Inilah detik pencerahan bagi saya. Apa yang Pak Teh cuba sampaikan, saya fahamkan sebagai kurasi.

Kita sebagai pembaca menentukan pembacaan kita. Betapa pentingnya kurasi pembacaan. Ini kerana kurasi bertindak sebagai pembentukan. Di tangan seorang kurator balai seni, kurasi adalah matlamat, pemanifestasian idea dan kesatuan subject matter. Bagi seorang pengkarya, kurasi menjadi pembangunan diri, suara dan kraf. Kita adalah apa yang kita santap, maka kita juga adalah apa yang kita baca.

Bagaimana seorang pemuisi boleh berkembang jika dia tidak membaca puisi?

Ada benarnya, melalui pengalaman hidup dan pembacaan genre lain dan kemahiran yang diperolehi daripada dunia luar, ia akan membantu pembentukan dirinya sebagai seorang penulis khusus. Tetapi bayangkan seorang chef tidak mencuba pelbagai jenis hidangan atau seorang pelakon tidak menonton teater atau filem—di manakah logiknya di sebalik pemikiran sebegini?

Seorang pemuisi wajib membaca puisi. Seorang penulis novel wajib membaca novel. Sebagaimana seorang ahli muzik wajib mendengar muzik.

Dan kewajiban ini janganlah disalahertikan sebagai pengharaman membaca penulisan lain selain penghususan penulis tersebut. Apa yang saya maksudkan ialah mengenali dahulu dunia

yang kita benar-benar cintakan dan berselera. Setelah itu, untuk tukar angin, sangat dialu-alukan. Tetapi pasti seorang penulis wajar membaca penghususannya dengan lebih lanjut, mendalam dan berkesan. Perkara ini tidak akan nampak semalam tetapi gemanya akan kedengaran pada tahun-tahun mendatang.

Seni lepak

Saya benar-benar bersyukur ditakdirkan bertemu Pak Teh. Sesungguhnya pengalaman itu tidak boleh dibeli dengan hanya singgah di Kinokuniya KLCC atau memesan buku dari Amazon. Walaupun kami tidak lepak lama, tetapi kata-kata Pak Teh begitu magis. Empat tahun berlalu dan ia masih terngiang-ningiang dalam kepala saya.

Siapa sangka lepak itu sendiri ada seninya juga. Kepentingan lepak tidak lain tidak bukan saya belajar melalui Mohd Jayzuan dan Projek Rabak.

Beberapa tahun yang lalu, saya sedang (dan masih) membuat sebuah kumpulan puisi tentang Kelantan. Ibu dan ayah saya merupakan orang Kelantan jati manakala saya pula lahir dan membesar di Ipoh. Dalam salah satu sesi lepak kami, Jayzuan mempersoal mengapa saya berbuat demikian dan bukan sebaliknya membuat sesuatu tentang Ipoh. Hujah Jayzuan ialah saya lebih Ipoh berbanding Kelantan. Beliau tidak menghalang saya untuk teruskan menulis tentang Kelantan. Tetapi melalui sesi lepak itu, ia menggerakkan saya ke arah proses pembikinan kumpulan puisi tentang Ipoh.

Hasilnya, terlahirlah anak ketiga saya—Gampang!

Kerana saya lepak bersama Jayzuan, kumpulan puisi ketiga saya itu menjadi “hadiyah” yang telah saya berikan kepada diri sendiri sempena memasuki umur 30. Ia juga surat cinta saya kepada pekan tua itu.

Melepak. Membaca. Berlengah-lengah—atau lebih tepat, menjalani raptai. Seringkali kita ghairah berkata tentang hasil karya tetapi adakah seghairah berkata tentang proses? Dan persoalan susulan: adakah proses memiliki titik noktah?

Saya percaya proses atau progress akan berlanjutan selagi kita memiliki keinginan untuk berkarya. Benar, ada hari saya bersedih hati kerana berasa “seakan-akan” tidak berganjak ke hadapan. Tetapi membelek semula tulisan Roy Peter Clark, beliau meyakinkan bahawa saya berada di lorong yang betul. Saya hanya perlu belajar untuk lebih percayakan kata-kata yang saya sendiri pernah tulis lapan tahun lalu:

“jadi tempeleng segalanya / terajang semua / terpelanting pergi / & tinggal aku sendiri terus menerus menulis... / & bersajakjakjak lagi.”

Cerpen, esei dan sajak boleh diikuti pada setiap minggu menerusi pautan selangorkini.my/category/renanca-bm/



Pencetus Israel zalim



*Penyelidik di Universiti Teknologi Mara,
DR ZAMIR MOHYEDIN
seorang ahli fizik yang menulis lapan buku*

Sehingga 8 Januari, lebih 22,600 orang Palestin di Gaza terbunuh dalam konflik antara kumpulan jihad Harakatul Muqawwamatul Islamiah (Hamas) dan Israel.

Lebih separuh jumlah kehilangan nyawa itu kanak-kanak dan wanita.

Sejak penubuhan Israel pada 1948, rejim itu melakukan pelbagai kekejaman, penindasan dan pembunuhan ke atas warga Palestin.

Seramai 700,000 orang Palestin dihalau dan kediaman mereka dirampas dalam peristiwa Nakba pada 1948.

Pada 2005, sekatan udara, darat dan air dibuat ke atas Gaza yang membuatkan bantuan makanan dan kesihatan sukar disalurkan.

Ketika Perang Gaza 2014, lebih 2,000 orang Palestin terkorban dan 10,000 cedera.

Pada 2018-2019, orang Palestin di Gaza membuat demonstrasi aman untuk dapatkan hak mereka kembali ke tanah asal dan mengangkat sekatan, tetapi mendapat tindak balas kejam Israel.

Lebih 266 terbunuh, hampir 10,000 cedera, lebih 100 hilang anggota seumur hidup. Kekejaman tentera Israel bukan sesuatu yang asing.

Eksperimen Milgram

Jika kita lihat dalam sejarah perang dunia, banyak pembantaian bangsa pernah dibuat tentera dari negara-negara lain.

Seramai 200,000 orang China dibunuh tentera Jepun pada 1937.

Semasa Jerman menyerang Poland pada 1939, seramai 16,000 orang terbunuh termasuk orang awam.

Tentera Romania pernah membunuh seramai sekitar 100,000 orang pada 1941 dan banyak lagi



genosid dilakukan.

Persoalan di sini, mengapa tentera termasuk dari Israel sanggup melakukan kekejaman seperti ini?

Pada 1961, ahli psikologi Stanley Milgram pernah melakukan eksperimen untuk menguji tahap ketaatan seseorang terhadap autoriti.

Milgram menjalankan eksperimen ini selepas tiga bulan bermulanya perbicaraan jenayah perang ke atas pegawai Nazi Jerman Adolf Eichmann di Baitulmaqdis, Palestin.

Persoalan utamanya, "Adakah Eichmann dan berjuta rakan sejenayahnya hanya sekadar menurut perintah ketika Holocaust?"

Milgram mendapati manusia begitu mudah menurut arahan sekiranya mereka tidak bertanggungjawab ke atas tindakan mereka.

Ketika tentera Amerika Syarikat melakukan pembunuhan ramai-ramai ke atas penduduk Vietnam tidak bersalah pada 1968, mereka mewajarkan tindakan sebagai sekadar mengikut arahan apabila ditanya kenapa melakukan perbuatan terkutuk itu.

Eksperimen Milgram memaparkan kejadian ketika subjek diingatkan bahawa setiap tindakan mereka berada di bawah tanggungjawab mereka sendiri, hampir kesemuanya tidak mahu mentaati arahan.

Perkara yang menarik, apabila orang yang kurang berautoriti memberikan arahan, tahap kepatuhan akan merudum.

Mungkin subjek menyangka autoritinya tidak cukup tinggi untuk bertanggungjawab ke atas apa yang berlaku.

Eksperimen Milgram menunjukkan simbol kekuasaan yang mampu memandu kelakuan manusia.

Manusia mudah mengikut arahan daripada orang tinggi kuasanya.

Tidak hairan sebenarnya apabila ramai orang sanggup berbunuhan dalam perperangan walau puncanya adalah pertelingkahan antara penguasa.

Nyahkemanusiaan

Antara faktor lain betapa mudahnya kekejaman dibuat tentera kerana proses nyahkemanusiaan

(dehumanization).

Proses yang mana kemanusiaan pada suatu bangsa dicabut melalui pelbagai bentuk propaganda.

Pada 9 Oktober lalu, Menteri Pertahanan Israel Yoav Gallant menggelar orang Palestin sebagai manusia-binatang.

Pada 12 November, Benjamin Netanyahu berkata serangan ke atas Gaza adalah pertempuran antara bangsa bertamadun dengan orang gasar.

Ungkapan ini memberikan petanda bahawa orang Israel menganggap orang Palestin rendah darjatnya, tidak setaraf dengan kesempurnaan manusia.

Pada 1975, Albert Bandura menjalankan eksperimen memaparkan potensi manusia menjadi kejam dan zalim melalui nyahkemanusiaan.

Dalam eksperimen tersebut, sekumpulan penyelia diminta menguruskan sekumpulan pekerja menggunakan renjatan elektrik.

Tugas utama penyelia menentukan tahap renjatan yang perlu dikenakan sekiranya pekerja memberikan jawapan salah.

Sebelum eksperimen dimulakan, Bandura sengaja membiarkan penyelia mendengar perbualannya bersama pembantunya.

Sebahagian penyelia mendengar perbualan itu menggambarkan pekerja sebagai kelompok binatang dan rosak.

Menariknya, hasil eksperimen menunjukkan penyelia yang melihat pekerja sebagai kelompok binatang mengenakan tahap renjatan berlipat kali ganda berbanding penyelia yang melihat pekerja sebagai kelompok manusia.

Eksperimen menunjukkan nyahkemanusiaan halus memberikan impak terhadap kelakuan manusia – mencetuskan sifat keganasan dan kekejaman manusia.

Nyahkemanusiaan terhadap kelompok lain menjadikan manusia berupaya melakukan kekejaman, pembunuhan dan kezaliman yang tidak terbayangkan seperti peristiwa The Holocaust ke atas Yahudi, Holodomor ke atas warga Ukraine, penghapusan warga Armenia, penghapusan etnik Circassia, penghapusan etnik Dzungar dan pelbagai lagi penghapusan terancang bermula daripada prejudis dan nyahkemanusiaan terhadap ras dan etnik berbeza.



Kebun cili tiga tan




Oleh ABDUL RAHIM SABRI
Foto HAFIZ OTHMAN

Bermula hobi menanam sayuran pada 2019, Tan Sri Abu Kassim Mohamed mempengerusikan Koperasi Kebuniti Selangor Berhad (Kobuniti) secara rasmi pada 7 Februari 2020.

Sebulan kemudian, badan diketuainya berdepan kesukaran beroperasi dek pandemik Covid-19. Namun selepas tiga tahun, Kobuniti bangkit tersenarai antara 30 koperasi baharu terbaik negara.

Menjadi rujukan banyak pihak, koperasi pimpinan mantan Ketua Pesuruhjaya Suruhanjaya Pencegahan Rasuah Malaysia itu bekerjasama dengan Kementerian Ekonomi melalui program Inisiatif Pendapatan Rakyat (IPR) bawah Inisiatif Usahawan Tani (Intan).

Jalinan itu membolehkan Kobuniti menerima dana kerajaan pada Jun 2023, bertujuan membantu menambah pendapatan kumpulan



masyarakat miskin bandar di Selangor.

Pada masa sama, kelompok berkenaan dapat mempelajari kemahiran bertani melalui projek penanaman cili – tanaman tumpuan utama inisiatif.

Anggota Lembaga Kobuniti Mohamad Nizar Omar berkata 16 peserta daripada kumpulan masyarakat itu terlibat proses penanaman sejak Julai tahun lalu selepas temu duga pada Jun.

Berkat berbudi pada tanah dan kerja keras, peserta yang menanam 16,000 pokok cili sejak bulan itu, menuai hasil mencecah tiga tan setakat Oktober.

Pokok itu ditanam dalam polibeg, ditempatkan bawah khemah pelindung hujan. Ada juga pokok cili ditanam atas batas tanah.

Selain cili, terdapat sayuran lain pada tanah seluas 15 ekar di Desa Alam, Shah Alam antaranya jagung, sawi, timun dan bendi.

Jaminan bekalan

Kobuniti juga menyediakan dua kolam memancing ikan keli dan puyu kepada pemancing dengan caj RM11 bagi satu kilogram ikan puyu dan keli RM10.

“Kita jual di pelbagai tempat, di pasar borong, kepada pengusaha nasi kandar, PPK (Pertubuhan Peladang Kawasan) Kuala Langat, orang awam. Mereka terus datang sini sebab kita jual harga ladang RM10 sekilogram,” katanya baru-baru ini.

Projek Kobuniti didukung Jabatan Pertanian Selangor yang memberi khidmat nasihat kepada peserta setiap Sabtu, sejak projek itu bermula.

“Kita ada tanah di bandar untuk diusahakan. Salah satu caranya untuk jaminan makanan. Mahu tengok konsep, tengok dekat sini (Kobuniti). Konsep tanaman ada, ternakan ada.

“Pada masa sama, dia bantu komuniti. Bagusnya dia datang dengan ilmu dan latihan dahulu. Jadi kejayaan akan lebih tinggi,” kata Pegawai Jabatan Pertanian Selangor Anwar Tawe.

Koperasi berkenaan menghasilkan racun organik sendiri untuk tanaman iaitu campuran pati daun mambu, paku pakis direbus dan sulfur dengan kos hanya RM10.

Kobuniti juga menuahkan tiga anak syarikat berkaitan nurseri dan landskap, latihan pertanian dan pemasaran bertujuan menyokong usaha tani mereka.

Koperasi ini berminat membantu membekal hasil tani, mendorong projek itu diperkenal.

“Sebab kita tumpu jaminan makanan. Bukan isu cukup makan atau tidak. Tapi makanan itu mampu dibeli atau pun tidak. Itu tumpuan kita.

“Kalau mampu dibeli, apa langkah seterusnya bantu orang miskin bandar ni. Mereka ada kerja, tapi tidak cukup duit. Adakah dia buat kerja, dia mempunyai ilmu dan kemahiran? Jadi (usaha kita) serampang banyak mata. Kita beri tempat, latihan dan kemahiran,” katanya.



ILMIAH... Perdana Menteri Datuk Seri Anwar Ibrahim berdiskusi bersama 500 pengurusan tertinggi universiti awam dan swasta, cendekiawan, pakar dan tokoh pendidikan serta pemain industri dalam Wacana Strategi Kementerian Pendidikan Tinggi di Pusat Dagangan Dunia, Kuala Lumpur pada 5 Januari. Foto Facebook Anwar Ibrahim

Laporan dalam sebulan

PM arah tingkat kebajikan pekerja

SHAH ALAM - Syarikat pelaburan berkaitan kerajaan (GLIC) dan syarikat berkaitan kerajaan (GLC) yang mencatat keuntungan perlu meningkatkan tahap kebajikan pekerja mereka.

Perdana Menteri Datuk Seri Anwar Ibrahim juga mengarahkan GLIC dan GLC memberi laporan rancangan berkaitan perumahan pekerja dan pendidikan dalam masa sebulan, lapor Bernama.

"Ada 15,000 pekerja, 5,000 pekerja tiada rumah, tidak mungkin kita fikir ada rencana untuk membina peruma-

han untuk pekerja sendiri?

"Kita catat keuntungan, cakap soal pengkomersialan dan kita bebankan kelompok pendapatan rendah kepada kementerian dan kerajaan untuk tangani, itu tidak munasabah," katanya.

Beliau yang juga menteri kewangan berucap pada Majlis Perhimpunan Waraga Kementerian Kewangan (MoF) di Putrajaya pada 9 Januari.

Anwar mengingatkan GLIC dan GLC supaya mengurangkan kegiatan di luar negara semata-mata untuk menarik

pelaburan asing sebaliknya memberi tumpuan kempen sedemikian di dalam negara.

Beliau juga mahu memastikan pelaburan strategik yang dijayakan GLIC dan GLC selaras Pelan Induk Perindustrian Baharu (NIMP) dan Pelan Hala Tuju Peralihan Tenaga Negara (NETR).

"Saya meminta kerjasama GLIC dan GLC supaya berinteraksi secara langsung dengan pimpinan untuk memastikan pelaksanaan program (mereka) mengikut dasar yang kita tentukan," katanya.

Daftar elak tercicir subsidi bersasar

SHAH ALAM - Orang ramai yang berusia 18 tahun ke atas disaran segera membuat pendaftaran dalam Sistem Pangkalan Data Utama (Padu) bagi memudahkan mereka menerima subsidi bersasar.

Pengarah Jabatan Perangkaan Selangor Hartini Yaacob berkata kemas kini maklumat dalam sistem berpusat itu memastikan mereka yang layak tidak tercicir daripada sebarang bantuan kerajaan.

Beliau menambah proses itu hanya mengambil masa kurang 10 minit, malah aspek keselamatannya tinggi termasuk imbasan muka dan kad pe-

ngan serta pengesahan kata laluan satu kali (OTP).

"Kaedah pengesahan identiti ini bagi memastikan pengenalan dan identiti individu bagi mengelakkan penipuan dan salah guna maklumat oleh pihak yang tidak dibenarkan," katanya.

Menjelaskan 857,425 penduduk mendaftar setakat 8 Januari, Hartini berkata Selangor mencatat pendaftaran tertinggi iaitu 208,910 orang diikuti Johor (91,938) dan Sarawak (79,729).

"Daripada keseluruhan 7.2 penduduk Selangor setakat ini, 4.8 juta daripadanya berumur 18 tahun dan ke atas. Jadi, kita galak mereka daftar segera. Jangan

tunggu saat akhir," katanya.

Pendaftaran dan kemas kini maklumat boleh dibuat antara 2 Januari hingga 31 Mac menerusi pautan <https://www.padu.gov.my>

Pada 2 Januari, pangkalan data dilancarkan Perdana Menteri Datuk Seri Anwar Ibrahim sebagai platform tunggal maklumat profil individu dan isi rumah di Malaysia yang menyeluruh.

Sistem itu dibangunkan penjawat awam Kementerian Ekonomi, Jabatan Perangkaan Malaysia dan Unit Pemodenan Tadbiran dan Perancangan Pengurusan Malaysia dengan kerjasama agensi lain.

Tambah RM500 ke akaun KWSP

SHAH ALAM - Kumpulan Wang Simpanan Pekerja (KWSP) mengkredit Insentif Caruman Tambahan Kerajaan berjumlah RM708 juta kepada 1.4 juta ahlinya yang berusia 40 hingga bawah 55 tahun.

Insentif yang diumum ketika Belanjawan 2024 diperuntuk kepada ahli yang memiliki simpanan RM10,000 dan ke bawah dalam Akaun 1 masing-masing setakat 24 Februari 2023, lapor Bernama.

Menurut kenyataan pada 10 Januari, caruman RM500 sekali bayar bertujuan menggalakkan ahli yang simpanannya rendah dan hampir persaraan untuk mempercepat proses pengumpulan.

Maklumat lanjut, rujuk soalan lazim di laman sesawang rasmi www.kwsp.gov.my atau Pusat Pengurusan Pelanggan melalui talian 03-8922 6000.

Kuota haji kekal 31,600 jemaah

SHAH ALAM - Kerajaan Arab Saudi menechap kuota jemaah haji Malaysia bagi tahun ini sebanyak 31,600 orang, kata Menteri Hal Ehwal Agama Dato' Setia Dr Mohd Na'im Mokhtar.

Menteri Haji dan Umrah Arab Saudi Dr Tawfiq Fawzan Al-Rabiah memaklumkan demikian dalam majlis menandatangani Memorandum Aturan Urusan Haji 1445H/2024 di Jeddah, Arab Saudi.

Kuota berkenaan menyamai angka tahun lepas iaitu 31,600 jemaah, lapor Bernama.

Menurut Mohd Na'im, memorandum tersebut berkaitan pengurusan jemaah meliputi penerbangan, penginapan serta penyediaan makan minum sepanjang urusan menunaikan ibadat di Tanah Suci

Beliau dalam kenyataan pada 8 Januari menambah pihaknya turut berbincang isu pengangkutan jemaah dan petugas haji se-lain aspek kesihatan mereka.

Rujuk Jakim guna ayat al-Quran

SHAH ALAM - Perdana Menteri Datuk Seri Anwar Ibrahim merujuk Jabatan Kemajuan Islam Malaysia (Jakim) terlebih dahulu sebelum menggunakan petikan ayat al-Quran dan tafsiran dalam ucapan.

Beliau bersyukur petikan dalam perhimpunan bulanan bersama warga Jabatan Perdana Menteri (JPM) akhir tahun lalu menarik minat masyarakat untuk melaah al-Quran lebih mendalam.

"Saya anggap penting bulan-bulan lain, saya baca ayat al-Quran dan tafsir supaya menggalakkan perbahasan."

"Tapi, saya akan rujuk kepada Jakim terlebih dahulu supaya mengelakkan kontroversi," katanya dalam majlis perhimpunan bulanan JPM di Putrajaya pada 8 Januari seperti dilapor Bernama.

Sebelum ini, Anwar memetik kisah tujuh pemuda Ashabul Kahfi dalam surah al-Kahfi yang mengundang polemik politik.

Jenayah komersial naik 50 peratus

SHAH ALAM - Kes jenayah komersial di negara ini meningkat 53.2 peratus dalam tempoh lima tahun melibatkan kerugian mencecah RM14.33 bilion.

Pengarah Jabatan Siasatan Jenayah Komersial Bukit Aman berkata kenaikan tersebut akibat perkembangan teknologi dan telekomunikasi sekali gus mewujudkan banyak modus operandi baharu.

Datuk Seri Ramli Mohamed Yoosuf menambah kerugian pada 2019 adalah RM6.217 bilion, RM2.064 bilion (2020), RM2.206 bilion (2021), RM1.733 bilion (2022) dan RM2.11 bilion (2023).

"Berdasarkan rekod, kes jenayah berkenaan mencatat peningkatan saban tahun," katanya seperti dilapor Bernama pada 4 Januari.

Beliau juga menjelaskan sebanyak 26,330 kes sedemikian dilapor pada 2019 disusuli 27,323 kes (2020), 31,490 kes (2021), 30,536 kes (2022) dan 40,350 kes (2023).

Larang pendatang asing berniaga

SHAH ALAM - Kementerian Perumahan dan Kerajaan Tempatan tidak mengeluarkan lesen kepada pendatang tanpa izin untuk menjalankan perniagaan seperti membuka gerai atau kedai.

Menterinya Nga Kor Ming menjelaskan tindakan undang-undang diambil terhadap warga asing yang melanggar peraturan demi menjaga kesejahteraan masyarakat tempatan, lapor Bernama.

Beliau menambah 1,539 operasi pengawasan dibuat melibatkan warga asing dan 26,108 lesen peniaga dibatal kerana melanggar syarat lesen atau premis sepanjang tahun lalu.



KENYATAAN TENDER

Bil.	NO. TENDER	KETERANGAN
1.	PN0000017094	PROVISION OF SHORT MESSAGING SYSTEM (SMS) SERVICES FOR AIR SELANGOR (2024-2026)
2.	PN0000017114	LICENSE SUBSCRIPTION FOR WATCHGUARD FIREWALL AND ANNUAL MAINTENANCE SUPPORT (3 YEARS) FOR AIR SELANGOR OFFICES
3.	PN0000017111	PROVISION OF RENTAL OF WAREHOUSE BUILDING (APPROX. 7,000 SQFT) FOR AIR SELANGOR FOR A PERIOD OF 3 YEARS

KENYATAAN PRA-KELAYAKAN

Bil.	KETERANGAN
1.	PRA-KELAYAKAN UNTUK PANEL KONTRAKTOR BAGI KERJA-KERJA PENGANTIAN PAIP UTAMA (MAIN PIPE REPLACEMENT (HOT SPOT))
2.	PRE-QUALIFICATION OF PANEL CONTRACTORS FOR MAINTENANCE OF INSTRUMENTATION ASSETS AT AIR SELANGOR'S TRUNKMAIN STRATEGIC LINES
3.	PRE-QUALIFICATION OF CIVIL AND STRUCTURAL ENGINEERING PANEL CONSULTANTS
4.	PRE-QUALIFICATION OF MECHANICAL AND ELECTRICAL ENGINEERING PANEL CONSULTANTS

Untuk butiran lanjut dan penyertaan tender/prakelayakan di atas, sila layari laman web kami di <https://www.airselangor.com/vendor/tender-lists> or <https://tender.airselangor.com>.

Tarif air terendah di Asia Tenggara

SHAH ALAM - Malaysia antara negara yang mengenakan purata tarif terendah bagi setiap meter padu air di rantau ini, menurut Suruhanjaya Perkhidmatan Air Negara (SPAN).

Soalan lazim dalam laman sesawangnya menyebut Malaysia mengenakan kadar keempat terendah di negara ASEAN iaitu RM1.22 bagi setiap meter padu air setakat 2022, lapor Bernama.

Caj sembilan sen di Myanmar, Brunei (35 sen) dan Indonesia (RM1.15) lebih rendah. Kadar lebih tinggi di Vietnam

iaitu RM1.37, Thailand (RM1.68), Filipina (RM2.92) dan Singapura (RM5.88).

Menurut SPAN lagi, tarif beberapa negeri termasuk Pahang dan Perlis tidak disemak lebih 25 tahun iaitu kali terakhir masing-masing pada 1983 dan 1996.

SPAN turut memaklumkan purata kos keseluruhan bagi merawat serta membekal air di Semenanjung Malaysia dan Labuan pada 2020 ialah RM1.68 bagi setiap meter padu.

"Purata tarif yang dikutip daripada pengguna adalah lebih rendah daripada

purata kos keseluruhan iaitu RM1.37 per meter padu pada tahun yang sama," kata tulisan itu.

Menurut SPAN, semakan perlu bagi menjayakan pelaksanaan pembangunan infrastruktur bekalan sebagaimana yang dirancang agar isu atau aduan bekalan air dapat diatasi dan diselesaikan.

SPAN adalah badan kawal selia teknikal dan ekonomi yang mengawal selia perkhidmatan bekalan serta perkhidmatan pembetungan di Semenanjung Malaysia, Putrajaya dan Labuan.

Produk murah 30 peratus

Jualan manfaat 11.6 juta isi rumah

SHAH ALAM - Program Agro Madani membawa penjimatan harga barang RM27.8 juta kepada 11.6 juta isi rumah di seluruh negara, kata timbalan menteri pertanian dan keterjaminan makanan.

Datuk Arthur Joseph Kurup menjelaskan 5,608 jualan program anjuran kementerian berkenaan menarik 2.9 juta pengunjung di sepanjang penganjuran tahun lalu, lapor Bernama.

Menjelaskan nilai jualan program yang disertai 74,800 usahawan adalah

RM93.7 juta, beliau berkata kementerian mahu memperluas jualan itu kepada 5,000 sesi menjelang Oktober 2024.

"Program ini secara tidak langsung meningkatkan pendapatan pengeluar yang menjual barang atau hasil pengekuaran mereka terus kepada rakyat tanpa melalui orang tengah," katanya ketika merasmikan Jualan Agro Madani Mega di ibu negara pada 6 Januari.

Program berkenaan menyediakan pelbagai produk terpilih yang memberi

penjimatan 10 hingga 30 peratus lebih rendah berbanding harga pasaran.

Jualan tersebut antara usaha bertenagakan kerajaan persekutuan untuk meringankan beban rakyat khususnya di lokasi padat penduduk selain meningkatkan pendapatan usahawan tani.

Penganjuran ini inisiatif itu digerakkan Lembaga Pemasaran Pertanian Persekutuan, Lembaga Pertubuhan Peladang dan Lembaga Kemajuan Ikan Malaysia.

Baiki 21 jalan rosak akibat banjir

SHAH ALAM - Lebih RM50 juta diperuntuk bagi membaik pulih jalan yang runtuh dan rosak di seluruh negara semasa bencana banjir, Menteri Kerja

Raya Datuk Seri Alexander Nanta Linggi.

Katanya, sebanyak 21 lokasi meliputi Iapan jalan negeri dan 13 jalan persekuatan dikenal pasti

terjejas melibatkan Johor, Pahang, Kelantan, Perak, Terengganu, Kedah dan Selangor.

"Kami akan segera baik pulih di lokasi terjejas akibat bencana dengan secepat mungkin kerana ketika ini masih lagi berlaku Monsun Timur Laut.

"Jadi, kami akan buat pemantauan dan siasatan anggaran jumlah untuk dibaiki," katanya seperti dilapor Bernama.

Beliau meninjau kerja pembaikan jalan persekuatan FT008 Seksyen

258.00 Projek Lingkar Tengah Utama dekat Paloh di Gua Musang, Kelantan pada 7 Januari yang 58 peratus siap.

Nanta juga menambah empat lokasi membabitkan banjir setakat 5 Januari manakala cerun runtuh (10 lokasi), jalan runtuh (empat lokasi) dan jambatan rosak atau runtuh (tiga lokasi).

"Johor kawasan paling banyak terjejas iaitu (enam kawasan), Pahang (empat), Kelantan dan Perak (tiga), Kedah dan Terengganu (dua) serta Selangor (satu)," katanya.

Perlu 80,000 pekerja ladang

SHAH ALAM - Kira-kira 80,000 pekerja diperlukan dalam sektor perladangan getah bagi menampung kelompongan kira-kira 420,000 hektar ladang milik pekebun kecil.

Menteri Perladangan dan Komoditi Datuk Seri Johari Abdul Ghani menjelaskan setiap setengah hektar tanah memerlukan seorang pekerja, lapor Bernama.

"Jadi, kita perlukan antara 70,000 dan 80,000 pekerja," katanya selepas menghadiri Majlis Perhimpunan Kementerian Perladangan dan Komoditi di Putrajaya pada 4 Januari.

Pada 29 Disember, Johari berkata negara kehilangan RM2.3 bilion nilai Keluaran Dalam Ne-

garai Kasar (KDNK) berikutkan 420,000 hektar ladang tidak diusaha akibat masalah tenaga kerja.

Beliau menambah pengeluaran produk getah merosot dalam tempoh 10 tahun berikutkan masalah tenaga kerja, kos pengeluaran tinggi dan saiz pegangan kebun tidak ekonomik.

"Situasi ini akan memberi kesan kepada pertumbuhan ekonomi negara sekiranya tiada langkah mitigasi dilaksanakan oleh kerajaan," katanya.

Johari turut menekankan aspek kebijakan pekerja termasuk pekerja asing dan menggesa majikan sektor tersebut supaya menyediakan kemudahan penginapan sempurna kepada mereka.



KESELAMATAN... Petugas Majlis Perbandaran Kajang membakar sarang tebuhan di Bandar Tasik Kesuma, Kajang pada 4 Januari. Foto Facebook Majlis Perbandaran Kajang

Tubuh jawatankuasa rundingan

Tambah baik khidmat PBT

Oleh NORRASYIDAH ARSHAD

SHAH ALAM - Sebuah jawatankuasa rundingan akan ditubuhkan pada tahun ini bagi memperkasa khidmat pihak berkuasa tempatan (PBT) di Selangor, kata EXCO kerajaan tempatan.

Menurut Dato' Ng Suee Lim, badan itu bakal dianggotai bekas yang diperlauta, pengarah jabatan dan pertubuhan bukan kerajaan (NGO) untuk menambah baik kaedah berurusan dengan ma-

syarakat.

Beliau mahu mutu PBT dipertingkat meski hasil kajian firma penyelidik bebas Merdeka Center mendapati kira-kira 50 peratus orang awam berpuas hati dengan perkhidmatan sedia ada.

"Jawatankuasa ini akan mencari kaedah terbaik untuk semua urusan melibatkan masyarakat antaranya penyeragaman sebarang sistem permonconan," katanya pada 5 Januari.

Suee Lim juga memaklumkan Majlis Perbandaran Klang (MPK) akan bertukar

status kepada bandar raya dan majlis pengisytiharan rasmi dijangka dibuat awal Februari depan.

"Kelulusan pada 20 November tahun lalu, menjadikan Selangor memiliki empat majlis bandaraya iaitu Klang, Shah Alam, Petaling Jaya dan Subang Jaya," katanya.

Pada 2 Januari, Setiausaha Kerajaan Negeri Dato' Setia Haris Kasim menyerahkan surat lantikan sebagai datuk bandar kepada Yang Dipertua MPK Datuk Paduka Noraini Roslan.

1,900 guna kenderaan komuniti

SHAH ALAM - Seramai 1,907 individu menggunakan perkhidmatan kenderaan komuniti percuma yang disediakan Majlis Bandaraya Shah Alam (MBSA) sejak 2015.

Pengarah Jabatan Korporat dan Perhubungan Awamnya berkata seramai 91 orang menggunakan perkhidmatan itu pada 2015 diikuti 127 (2016), 202 (2017) dan 190 pada 2018.

Menurut Azhar Mohd Sharif, seramai 205 pengguna direkod pada 2019 manakala 126 (2020), 13 (2021) dan kembali meningkat kepada 473

(2022) dan 480 orang tahun lalu.

"Sambutan orang awam terhadap kenderaan komuniti yang kita sediakan ini amat menggalakkan malahan ada yang memuji MBSA menyediakan perkhidmatan ini."

"Kita teruskan tahun ini dan menyuru pemegang kad orang kurang upaya (OKU) dan warga emas yang mahu ke hospital atau pusat rawatan menggunakan kenderaan ini," katanya pada 4 Januari.

Penyediaan kenderaan komuniti antara inisiatif MBSA menerusi tang-

gungjawab sosial korporat dan keprihatinannya berikutnya perkutian perkhidmatan pengangkutan kepada golongan terbabit terhad.

Setakat ini, MBSA memiliki van yang diubah suai mengikut keperluan golongan OKU dan sebuah kenderaan pelbagai guna (MPV).

Khidmat kenderaan disediakan dari Isnin hingga Jumaat bermula jam 8.30 pagi hingga 5 petang. Maklumat lanjut hubungi Jabatan Pembangunan Komuniti MBSA di talian 03-5522 2732.

Rebat cukai 15,000 pembayar terawal

SHAH ALAM - Majlis Perbandaran Kajang (MPKj) menawarkan rebat bayaran cukai taksiran serendah RM10 kepada 15,000 pembayar terawal yang tiada tunggakan selama setahun.

Tawaran itu terbuka antara 1 Januari sehingga 29 Februari. Pembayar hanya perlu menyemak, cetak dan membayar melalui saluran perkhidmatan dalam talian. Tiada penghantaran bil secara fizikal.

MPKj turut mengingatkan pembayar cukai supaya memastikan maklumat dalam sistem seperti nama, alamat, nombor kad pengenalan, nombor telefon terkini dan alamat emel dikemas kini.

Saluran pembayaran yang layak menerima rebat adalah menerusi www.mpkj.gov.my, Maybank2u, AmBank, HSBC Bank, RHB Bank, Bank Rakyat, JomPAY, PBTPay, CEPat dan Kawanku Phone Banking.

Lunas cukai, peluang menang motor

SHAH ALAM - Warga Ampang berpeluang memenangi hadiah cabutan bertuah termasuk empat motosikal apabila membayar cukai taksiran Majlis Perbandaran Ampang Jaya (MPAJ).

Pelbagai hadiah bulanan turut ditawarkan antaranya peti sejuk tiga pintu, televisyen, mesin basuh, basikal lipat, komputer riba, tablet dan penapis udara.

"Caranya mudah sahaja dengan membuat bayaran Cukai Taksiran MPAJ 2024 melalui Icomm MPAJ di pautan icomm.mpaaj.gov.my atau boleh muat turun di Google Play atau App Store.

"Syarat utama penyertaan adalah tiada tunggakan cukai taksiran," kata kenyataan itu.

Tempoh bayaran sehingga 29 Februari bagi penggal pertama dan 1 Julai hingga 31 Ogos (penggal kedua). Maklumat lanjut layari www.mpaaj.gov.my

MPAJ, MPS guna lori baharu 1 Mac

SHAH ALAM - Majlis Perbandaran Ampang Jaya (MPAJ) dan Majlis Perbandaran Selayang (MPS) bakal menggunakan lori pemampat baharu selepas memperbaiki kontrak kutipan sampah pada 1 Mac.

Pengarah urusan KDEB Waste Management (KDEBWM) berkata hampir 100 lori dilengkapi imej korporat baharu akan digunakan di kawasan pentadbiran pihak berkuasa tempatan tersebut.

"KDEBWM membelanjakan hampir RM40 juta bagi pembelian aset baharu ini. Ia merangkumi hampir 60 lori di MPS dan selebihnya untuk kegunaan sekitar MPAJ.

"Pada masa sama, kami menandatangani perjanjian kerja pembersihan awam dengan Majlis Perbandaran Klang dalam masa terdekat," kata Dato' Ramli Tahir pada 4 Januari.

Ikuti program laluan pantas SPM

SHAH ALAM - Jabatan Agama Islam Selangor (Jais) mempelawa pelajar tafhib persendirian mengikuti program laluan pantas (fast track) bagi Sijil Pelajaran Malaysia (SPM) 2024.

Program berkenaan terbuka kepada pelajar institusi tafhib berdaftar yang berumur 17 tahun ke atas bagi membantu mereka memiliki sijil SPM.

"Pelajar mesti warganegara Malaysia dan menghafaz sekurang-kurangnya 10 juzuk selain menguasai kemahiran membaca, mengira dan menulis," kata Jais di Facebook pada 4 Januari.

Permohonan tersebut dibuka sehingga 14 Januari dan boleh dibuat dalam talian melalui pautan pendidikan.jais.gov.my/fasttrackspm

Program itu menawarkan lapan mata pelajaran iaitu bahasa Melayu, bahasa Inggeris, matematik, sejarah, sains, bahasa Arab, pendidikan Islam dan tasawwur Islam.

RM50,000 naik taraf surau SRA

SHAH ALAM - Perbadanan Wakaf Selangor (PWS) menghulur sumbangan RM50,000 kepada Sekolah Rendah Agama (SRA) Bandar Utama, Batang Kali bagi menaik taraf musolla Al-Kauthar di situ.

Menurut kenyataan, gimik penyerahan disempurnakan dengan kehadiran Guru Besar SRA Bandar Utama Siti Kauthar Tolos.

"PWS turut berkesempatan mengadakan sesi penerangan wakaf tunai yang disampaikan Eksekutif Unit Kutipan dan Agihan di Bahagian Korporat Ustaz Ibnu Hubain Abdul Aziz," kata PWS.

Mengikut PWS, warga pendidik berpeluang membuat ibadah wakaf melalui potongan gaji dan tunai.

Tawaran khas belajar di UIS

SHAH ALAM - Universiti Islam Selangor (UIS) menyediakan enam tawaran khas kepada alumninya untuk menyambung pengajian bagi pengambilan Januari.

Institut pengajian tinggi tersebut memaklumkan insentif merangkumi yuran pendaftaran percuma dan pengurangan yuran pengajian sebanyak 10 peratus.

Tawaran lain ialah 50 peratus insentif akademik yuran graduasi, 30 hingga 50 peratus pemindahan jam kredit dan 15 peratus insentif akademik yuran pengajian.

"Selain itu turut disediakan ialah rebat RM150 tiket kapal terbang bagi pelajar Sabah, Sarawak serta Labuan, tertakluk kepada terma dan syarat.

"Maklumat lanjut hubungi talian 03-89117072, 03-89117073, 019-3896937 (Whatsapp) atau boleh ke pejabat pemasaran UIS," kata kenyataan di Facebook.

36,000 murid terima bantuan Tawas

SHAH ALAM - Seramai 36,326 ahli Tabung Warisan Anak Selangor (Tawas) yang bakal memasuki darjah satu tahun ini layak menerima manfaat Program Bantuan Masuk Sekolah (PBMS).

Penolong pengurus Komunikasi Korporat Yayasan Warisan Anak Selangor (Yawas) berkata bantuan berkenaan meliputi beg sekolah, kelengkapan alat tulis, bekas makanan dan tabung.

Menurut Sharizan Mohd Shariff, ibu bapa boleh menyemak aplikasi Tawas

yang dimuat turun dan membuat pendaftaran untuk meneliti kelayakan dan kaedah penebusan bantuan tersebut.

Beliau menambah bantuan itu boleh diambil di pusat khidmat masyarakat Dewan Undangan Negeri (DUN) yang dinyatakan dalam menerusi aplikasi berkenaan.

"Semoga bantuan ini meringankan beban ibu bapa dalam menyediakan kelengkapan persekolahan anak-anak

dan pada masa sama memberi keceriaan kepada kanak-kanak," katanya pada 3 Januari.

Sebelum ini, ibu bapa atau penjaga ahli Tawas kelahiran 2017 yang akan memasuki tahun satu diminta mengemas kini maklumat untuk agihan bantuan.

Tawas antara program kebajikan sejak 2008 yang terbuka kepada anak Selangor dengan mendaftar sebelum anak berusia tiga tahun. Ahli menerima RM1,500 apabila berusia 18 tahun.

Bantu golongan memerlukan

RM1 juta untuk bakul makanan

Oleh **SITI ROHAIZAH ZAINAL**

SHAH ALAM - Menteri Besar Selangor (Pemerbadanan) atau MBI memperuntuk RM1 juta bagi menjayakan program sumbangan bakul makanan sepanjang tahun ini.

Ketua Tanggungjawab Sosial Korporat dan Komunikasi Korporatnya Ahmad Azri Zainal Nor berkata dana tersebut bertujuan membantu lebih ramai masyarakat kurang berkemampuan.

"Tahun ini, kita sediakan peruntu-

kan khas di bawah sumbangan bakul makanan yang akan diagih mengikut keperluan terutama ketika musim perayaan.

"Dengan adanya program peruntukan khas ini, lebih ramai golongan kurang berkemampuan dapat dibantu sekali gus meringankan beban," katanya pada 4 Januari.

Beliau turut memaklumkan sebanyak RM150,000 diperuntuk untuk pembelian komputer riba yang akan disumbangkan kepada mahasiswa Selangor kurang berkemampuan.

"Agihan komputer riba ini akan dilengkapi dengan kad modul pengenalan pelanggan (SIM) internet percuma selama 12 bulan.

"Malah, pemberian kad sim percuma ini juga diperluas kepada semua mahasiswa anak-anak Selangor di setiap universiti seluruh Malaysia, tidak khusus dalam negeri sahaja," jelasnya.

Dua tahun lalu, MBI memperuntuk RM18 juta untuk program CSR termasuk aktiviti ternakan korban, mahabbah haji dan program tuisyen rakyat dengan belanja RM6 juta.

Terjemah lapan siri kitab al-Ghazali

SHAH ALAM - Inisiatif Buku Darul Ehsan (IBDE), syarikat penerbitan yang menerima geran negeri, bakal menerbit 35 naskhah termasuk kitab Ihya' Ulumuddin karanjan Imam al-Ghazali.

Pengarah Eksekutifnya Farhan Affandi memaklumkan pihaknya menyarak untuk menterjemah lapan siri kitab karangan ulama tersohor

itu pada hujung tahun ini.

"Buat masa ini, terjemahan karya Ihya' Ulumuddin masuk jilid kedua, kami sasar terjemah hingga ke jilid kelapan pada hujung tahun ini," katanya pada 5 Januari.

Beliau menambah IBDE juga merancang untuk merancakkan usaha menterjemah pelbagai karya agung lain pada ta-

hun ini dengan kerjasama Media Selangor.

"Rancangan tahun ini juga karya terjemahan IBDE yang mendapat sambutan dan jualan tertinggi tahun lalu dicetak ulang untuk memenuhi permintaan pembaca," katanya.

IBDE menerima geran untuk menjayakan kegiatan penterjemahan buku pelbagai genre antaranya agama, sejarah dan falsafah menerusi projek Siri Pencerahan Selangor.

Jual 57,000 buku pelbagai judul

SHAH ALAM - Inisiatif Buku Darul Ehsan (IBDE), syarikat penerbitan yang menerima geran negeri, mencatat jualan 57,587 naskhah terjemahan pelbagai judul sepanjang tahun lalu.

Pengurus Jualan dan Pemasarannya Ainunl Muaiyanah Muhammad Sulaiman berkata buku Muhammad: Riwayat Hidup Berdasarkan Sumber Terawal paling laris diikuti Gelagat & Ragam Orang Melayu.

Katanya, buku Imam Al Ghazali: Hayat & Jasa Ilmuwan Ulung dan dua lagi

karya ilmuan Islam itu iaitu Memelihara Jiwa: Petua Dari Tabib Kurun ke-6 dan Penyelamat Dari Kesesatan juga laris.

Judul Salahuddin Al Ayubi: Raja Penakluk, Ilmu Kalam: Tegahan Buat Orang Awam, Ciri Pemisah Antara Islam dan Zindik, Perihal Kesederhanaan dalam Beriktitikad serta Tanpa Ampun Tiga Tahun Diburu Jepun di Rimba Malaya turut mendapat permintaan tinggi

"Semua ini menjadi pilihan dan ada permintaan tinggi. Terdapat beberapa buku yang kini stok makin berkurang

dan akan dicetak semula untuk memenuhi permintaan," katanya pada 4 Januari.

Semua karya tersebut boleh didapati di kedai buku Rencana di Sri Damansara, Petaling Jaya atau tempah dalam talian menerusi pautan bukuibde.com

IBDE menerima geran daripada Kerajaan Sejarah untuk menjayakan kegiatan penterjemahan buku pelbagai genre antaranya agama, sejarah dan falsafah. Sesetengah karya berusia ribuan tahun.



SEMANGAT... Pemain bola keranjang negeri menjalani ujian kecergasan di Sekolah Antarabangsa Dwi Emas, Shah Alam pada 9 Januari. Foto Facebook Majlis Sukan Negeri Selangor

Tunggu jumlah acara muktamad

Atlet SUKMA giat jalani latihan

Oleh NAS NORZIELA NASBAH

SHAH ALAM - Kontinjen Selangor dalam persiapan rapi bagi menghadapi temasya Sukan Malaysia (SUKMA) ke-21 di Sarawak pada Ogos.

Pengarah eksekutif Majlis Sukan Negeri (MSN) Selangor berkata latihan untuk 37 acara yang ditetapkan giat dijalankan sejak Ogos tahun lalu.

"Persiapan dijalankan dengan baik memperlihatkan kesemua atlet dan pasukan memberi komitmen tinggi menghadapi SUKMA kali ini."

"Namun, ada beberapa acara atau sukan masih di peringkat senarai panjang untuk pemilihan atlet selain masih menanti ketetapan jumlah acara yang dipertandingkan dalam mesyuarat

pada 22 Januari ini," kata Mohamad Nizam Marjugi pada 4 Januari.

Ditanya sasaran pingat kontinjen Selangor, beliau berkata pihaknya menanti keputusan Kementerian Belia dan Sukan dan Majlis Sukan Negara berkenaan tetapan jumlah sukan dipertanding.

"Kita masih menanti keputusan pihak berkaitan. Sejurus sahaja ia dimuktamadkan, MSN Selangor akan menebatkan jumlah sasaran pingat dengan mengambil kira beberapa faktor yang akan dikaji."

"Ada beberapa sukan atau acara yang dilihat bakal menyerlahkan atlet kontinjen ini seperti memanah, pingpong, olahraga dan menembak," katanya.

SUKMA ke-21 di Sarawak dijadual berlangsung dari 17 hingga 24 Ogos

dengan Selangor pernah menjuarai temasya sukan berkenaan di Sarawak pada 2016.

Pada 17 November, EXCO Sukan Negeri Halimi memaklumkan kontinjen Selangor menyasarkan kedudukan tiga teratas pada temasya kali ini.

Beliau berkata sasaran ditetapkan MSN Selangor itu dibuat hasil pemantauan dan penilaian prestasi atlet sepanjang tempoh persediaan.

"Kita telah melihat keadaan dan potensi semasa setiap atlet, melalui pemantauan serta penilaian sepanjang tempoh persediaan yang dilaksanakan."

"Melalui penyertaan kejohanan lain sebelum ini, MSNS merasakan kemampuan untuk berada di kedudukan tiga terbaik pada temasya SUKMA 2024," katanya.

Suntik semangat regu negara

SHAH ALAM - Beregu lelaki negara berazam mara ke akhir Terbuka Malaysia sebagai hadiah kepada peminat badminton tempatan.

Aaron Chia berkata aksi di laman sendiri menyuntik semangat untuk menampilkan persembahan 'kelas A' sekali gus memperbaiki pencapaian terbaik mereka dalam kejohanan itu, lapor Berita Harian.

"Kami tidak berasa tertekan sebaliknya lebih bersemangat untuk bermain di hadapan penyokong sendiri."

"Diharapkan kami boleh dapat kepu-

tusan lebih baik berbanding sebelum ini, sekurang-kurangnya mara ke final, menang atau tidak perkara kedua," kata Aaron yang muncul juara dunia bersama Soh Wooi Yik pada 2022.

Pencapaian terbaik pasangan nomor empat dunia itu sebelum ini adalah separuh akhir pada 2022 manakala mereka terkandas di pusingan kedua tahun lalu.

Aaron-Wooi Yik yang tampil sebagai pilihan ketiga kali ini akan menentang pasangan Denmark Rasmus Kjaer-Fredrik Sogaard pada pusingan pertama.

Dalam pada itu, Aaron turut berharap

dia dan Wooi Yik mampu menjuarai dua atau tiga pertandingan sebelum Julai bagi meningkatkan motivasi ke Sukan Olimpik Paris 2024.

"Selepas memenangi Terbuka Denmark kami lebih bersemangat untuk terus menampilkan persembahan terbaik dan memenangi lebih banyak kejohaan musim ini."

"Ia sesuatu yang bagus jika kami dapat memenangi satu atau dua gelaran sebelum Sukan Olimpik. Namun, fokus utama tetap terarah kepada Sukan Olimpik," kata Aaron.

Kekuatan mental bantu kejayaan

SHAH ALAM - Bekas pengarah kejuri-latihan perseorangan remaja Akademi Badminton Malaysia (ABM) menasihatkan pemain negara untuk terus menguatkan mental dan fizikal bagi menghadapi kejohanan Terbuka Malaysia 2024.

Datuk Misbun Sidek berkata aspek berkenaan penting bagi memastikan pemain mencipta kemenangan sekali gus menamatkan kemarau enam tahun untuk mengungguli kejohanan berkenaan yang bermula pada 9 Januari.

"Pemain badminton Malaysia mempunyai peluang yang sama dengan pemain negara lain untuk memenangi kejohanan itu cuma mereka perlu kuat dari aspek fizikal dan mental."

"Mereka perlu menjalani latihan bersungguh-sungguh kerana saya lihat, pemain negara lain kini telah bersedia dari segi aspek tersebut."

Akhiri kejuaraan Terbuka Malaysia

SHAH ALAM - Pengarah kejurulatihan Akademi Badminton Malaysia (ABM) berharap pemain negara menjulang kejuaaan dalam pertandingan Petronas Terbuka Malaysia kali ini.

Rexy Mainaky berkata kejohanan ini pentas terbaik mengakhiri penantian lima tahun skuad badminton negara di hadapan peminat tempatan.

"Saya percaya barisan pemain negara turut berkongsi matlamat yang sama dan sedar dengan harapan tinggi yang diletakkan peminat tempatan," katanya seperti lapor Berita Harian pada 6 Januari.

Kali terakhir wakil negara muncul juara menerusi bekas jaguh perseorangan lelaki negara Datuk Lee Chong Wei pada 2018.

Tahun lalu, cabaran Malaysia berakhir di suku akhir menerusi beregu lelaki profesional Teo Ee Yi-Ong Yew Sin dan beregu campuran Chen Tang Jie-Toh Ee Wei.

Baik pulih Stadium Merdeka selesai Feb

KUALA LUMPUR - Kerja naik taraf Stadium Merdeka yang menjadi lokasi perlawanan Piala Sultan Selangor (TSSC) siap sepenuhnya hujung Februari.

Pengerusi jawatankuasa TSSC berkata kerja pembinaan semua kemudahan siap hampir 70 peratus dan baki hanya melibatkan trek larian serta lampu.

"Untuk aspek padang dan rumput, semua siap dilaksana cuma perlu selenggara dan potong. Kita yakin keseluruhan proses dapat disiapkan sepenuhnya mengikut jadual hingga hujung Februari," kata Tan Sri Abd Karim Munisar pada 3 Januari.

Piala berprestij melibatkan perlawanan tradisi dengan Singapura kembali diadakan pada 17 Ogos depan dan tiket dijual pada harga serendah RM10.



NAJWAN HALIMI
Kota Anggerik

menyampaikan baucar Jom Shopping kepada penerima di pusat khidmatnya



DANIAL AL-RASHID
Batu Tiga

menghadiri program bersama bomba di Panggupuri Seksyen 20, Shah Alam



S PREAKAS
Kota Kemuning

meninjau keadaan banjir kilat di Taman Sri Muda, Shah Alam



DATUK JOHAN ABD AZIZ
Dusun Tua

menziarahi penduduk sakit di Taman Sentosa, Hulu Langat



DR GUNARAJ GEORGE
Sentosa

meraikan sambutan Hari Krismas bersama kanak-kanak di Klang



ABBAS AZMI
Seri Serdang

bersama peserta karnival bola sepak di Seri Kembangan, Subang Jaya



PUA PEI LING
Bukit Lanjan

menyerahkan sumbangan kepada penduduk di Taman Desa Jaya, Selayang



DR QUAH PERNG FEI
Bandar Baru Klang

bergotong-royong bersama peniaga di Jalan Gopeng, Klang

Kenal pasti tiga lokasi klinik

SHAH ALAM - Wakil rakyat Kajang mahu kemudahan untuk penduduk setempat dipertingkat termasuk mengadakan klinik kesihatan awam di Bandar Mahkota Cheras, Sungai Sekamat dan Sungai Kantan.

David Cheong menjelaskan beberapa lokasi dikenal pasti sesuai untuk membina klinik berkenaan demi memudahkan penduduk supaya mereka tidak perlu bergerak jauh daripada kediaman mereka.



"Kita mengambil kira faktor kawasan kampung dan ramai penduduk yang memerlukan kemudahan ini dan perkara ini sedang dibincangkan," katanya pada 5 Januari.

Beliau juga mahu mempercepat kerja penurapan jalan berlubang di Hospital Kajang berikutnya tinjauannya mendapati beberapa laluan berlubang dan keadaan itu boleh membahayakan pesakit.

Kerja pasang 775 cerucuk selesai

Segera bina semula longkang, jalan

Oleh SOFIA NASIR

SHAH ALAM - Pembinaan longkang utama di Taman Wawasan, Puchong akan dimulakan dalam tempoh terdekat, kata wakil rakyat Kinrara Ng Sze Han.

Beliau menjelaskan longkang berkenaan tersenarai dalam kerja baik pulih susulan kejadian tanah runtuhan di perumahan berkenaan pada 16 Disember.

"Kontraktor dalam proses membina semula cerun, menyediakan platform

dan jalan masuk. Pembinaan longkang akan dimulakan dalam beberapa hari lagi," katanya di Facebook.

Meninjau kawasan itu pada 6 Januari, Sze Han memaklumkan 775 cerucuk dipasang setakat ini bagi memastikan kestabilan cerun.

"Satu lagi kemajuan positif ialah semua lapan kereta yang diletakkan di tempat letak kendaraan berhampiran telah bergerak keluar dengan selamat," katanya.

Sebelum ini, Datuk Bandar Subang

Jaya Dato' Mohd Fauzi Mohd Yatim memaklumkan kerja pemasangan cerucuk di Taman Wawasan dijangka selesai sepenuhnya pada 8 Januari.

Pada 16 Disember, 29 penghuni di sembilan rumah teres kawasan berkenaan diarah berpindah atas faktor keselamatan, susulan tanah runtuhan berhampiran kediaman mereka.

Kejadian di Jalan Wawasan 3/9 dan 3/14 kira-kira 7.30 malam itu turut menyebabkan empat kendaraan tertimbus tetapi tiada kemalangan jiwa berlaku.

Segera mohon baucar belanja raya

SHAH ALAM - Warga Dewan Undangan Negeri (DUN) Kampung Tunku dipelawa memohon baucar beli-belah Tahun Baharu Cina sehingga 26 Januari.

Wakil rakyatnya Lim Yi Wei memaklumkan permohonan inisiatif Jom Shopping terbuka kepada masyarakat yang menyambut perayaan tersebut dengan syarat mereka pengundi di situ.

Katanya, pemohon mesti berpendapatan isi rumah kurang RM3,000

serta bukan penerima Bantuan Kehidupan Sejahtera Selangor (BINGKAS) atau Skim Mesra Usia Emas (SMUE).

Beliau menambah dokumen yang diperlukan antaranya salinan kad pengenalan suami isteri, salinan slip gaji atau surat pengakuan sumpah serta surat cerai atau sijil kematian jika ada.

Pendaftaran boleh dibuat di Pusat Khidmat DUN Kampung Tunku di No 24, Jalan 20/9, Taman Paramount, 46300 Petaling Jaya.

Belanjawan Selangor 2024 mem-

peruntuk RM16.48 juta bagi program pemberian baucar Jom Shopping sempena perayaan yang bakal memanfaatkan 82,400 penerima.

Selain Tahun Baharu Cina, program bantuan itu turut diberi kepada keluarga kurang berkemampuan untuk menyambut Aidilfitri dan Deepavali bagi membeli barang keperluan.

Nilai baucar naik daripada RM100 kepada RM200 berikutan situasi ekonomi dan keperluan rakyat.

Kumpul maklumat daftar insentif negeri

SHAH ALAM - Wakil rakyat Meru giat mengumpul maklumat golongan kurang berkemampuan di kawasan tersebut sebelum melakukan lawatan secara berperingkat bagi menghulur bantuan.

Mariam Abdul Rashid berkata selain menyampaikan sumbangan, pihaknya turut menyemak kelayakan untuk menerima bantuan negeri, Lembaga Zakat Selangor (LZS) dan Jabatan Kelebihan Masyarakat (JKM).

"Kita akan menziarahi sekurang-kurangnya lima keluarga seminggu setiap Jumaat. Kita hulur bantuan wang tunai, bakul makanan rahmah dan juga keperluan lain seperti kerusi roda.

"Selaras itu kita semak nama mereka sama ada layak menerima bantuan negeri, LZS atau JKM. Jika layak kita akan bantu daftarkan," katanya pada 9 Januari.



Beliau turut menyeru penduduk DUN Meru menyampaikan maklumat kepada pusat khidmat masyarakat jika terdapat keluarga yang memerlukan bantuan.

"Segera menyampaikan maklumat mengenai orang susah, sakit atau memerlukan bantuan kepada pusat khidmat. Insya-Allah kita akan cuba bantu atau ringankan beban mereka," katanya.

Baik pulih dewan, gelanggang sukan

SHAH ALAM - Ahli Dewan Negeri (ADN) Balakong memberi tumpuan untuk membaiki dan membina beberapa kemudahan untuk keselesaan penduduk penduduk kawasan itu.

Wayne Ong Chun Wei berkata prasarana yang dibaik pulih sejak November antaranya Dewan Komuniti Batu 11, Cheras menerusi peruntukan RM286,000.

"Peruntukan sepenuhnya kita terima daripada Kementerian Pembangunan Kerajaan Tempatan. Kita jangka dewan yang dilengkapi gelanggang badminton ini siap sepenuhnya awal pada Februari.

"Dewan ini mampu memuatkan kira-kira 200 orang dan penduduk sekitar boleh menggunakan sama ada untuk mengadakan majlis keraian atau bersukan," katanya pada 6 Januari.

Pihaknya turut bercadang membina gelanggang sukan serbaguna di Persiaran Suakasih Bandar Tun Hussein Onn.

Tingkat promosi agropelancongan

SHAH ALAM - Wakil rakyat Sungai Pelek Lwi Kian Keong berusaha menunaikan lima janji utamanya bagi memastikan penduduk kawasan itu menerima manfaat lebih baik pada masa hadapan.

Perkara tersebut termasuk meningkatkan promosi produk pelancongan agro Sungai Pelek seperti ladang buah naga dan pusat peranginan Avani Goldcoast.

"Kita tidak mahu terlalu selesa dengan maklumat sedia ada sebaliknya terus bekerja kuat membawa nama Sungai Pelek sebagai destinasi wajib dikunjungi jika berada di Selangor.

"Ini termasuk rancangan membuka kaunter maklumat di pintu masuk negara bukan sahaja mempromosi Sungai Pelek tetapi seluruh negeri yang ada keunikan produk pelancongan," katanya pada 6 Januari.

Sedia 10 lokasi niaga bazar Ramadan

SHAH ALAM - Permohonan tapak bazar Ramadan Majlis Perbandaran Sepang (MPSepang) dibuka secara dalam talian mulai 15 Januari hingga 12 Februari depan.

Pihak berkuasa tempatan itu menerusi Facebook memaklumkan sebanyak 10 lokasi disediakan dan permohonan melalui pautan ebazar.mpssepang.gov.my

"Lokasi tapak bazar Ramadan 2024 di Kosmopolis Bandar Baru Salak Tinggi, Taman Putra Perdana Puchong, Tapak Pasar Malam Pekan Dengkil, Taman Perdagangan Harmoni Sungai Pelek dan KipMall Kota Warisan.

"Selain itu, Taman Mas Puchong, Desa Pinggiran Putra, Sungai Merab, Cyberjaya dan Dengkil Jaya," katanya.

Sebarang pertanyaan hubungi Jabatan Perlesenian MPsepang di talian 03-8319 0255/256.

selangorkini

Mohon kad kahwin dalam talian

SHAH ALAM - Pasangan pengantin boleh memohon atau menggantikan kad perakuan nikah secara digital mulai 2 Januari.

Menurut Jabatan Agama Islam Selangor (Jais), permohonan boleh dibuat menerusi pautan forms.gle/vm81RH02ZAFKSJaw9 atau mengimbas kod QR pada poster di Facebook.

Permohonan juga boleh dibuat di kaunter pusat sehenti Jais di Shah Alam. Dokumen itu diproses dalam tempoh 10 hari bekerja jika maklumat lengkap.

Pemohon boleh mengambil kad yang siap di pusat sehenti sama. Maklumat sama hubungi 03-5514 3468 atau e-mel jawatkaukasapehias@gmail.com

Kurangkan kompaun serendah RM10

SHAH ALAM - Majlis Perbandaran Sepang (MPSepang) menawarkan pengurangan kompaun tempat letak kereta serendah RM10 sepanjang bulan ini.

Pihak berkuasa tempatan itu memaklumkan semakan dan bayaran menerusi aplikasi Flexi Parking, kaunter pembayaran MPSepang atau di 34 lokasi kaunter bergerak.

"Kempen pengurangan kompaun letak kereta sehingga 31 Januari ini bagi Perintah Pengangkutan Jalan (Peruntukan Tempat Letak Kereta) MPSepang 2007.

"Maklumat lanjut hubungi Unit Perundingan MPSepang 03-8319 0200, 03-8319 0300 atau 03-8319 0230," maklumnya menerusi Facebook.

Kerjasama sekolah tanam 3,274 pokok

SHAH ALAM - Majlis Bandaraya Shah Alam (MBSA) dengan kerjasama 82 sekolah menanam 3,274 pokok buah-buahan pelbagai spesies sejak 2013.

Pengarah Jabatan Korporat dan Perhubungan Awamnya Azhar Mohd Sharif berkata program dusun@mysekolah itu antara usaha memupuk nilai murni serta menghargai alam sekitar sejak kecil.

"Menerusi program ini, pelajar akan didedahkan dengan pengetahuan asas mengenai pokok buah-buahan dan kaedah penanaman serta penjagaan pokok yang betul."

"Program itu seiring matlamat menjadikan Shah Alam sebagai sebuah bandar raya dalam taman selain membantu mencapai sasaran menanam 80,000 batang pokok setahun," katanya pada 4 Januari.

Sejak dilancarkan, program dusun@mysekolah menanam pelbagai anak pokok di sekolah antaranya rambutan, cempedak, jambu air, manggis, pulasan, belimbing buluh, mangga, dan cermai.

KAWAL...
Pemain Harimau Malaya Afiq Fazail (tengah) diasak dua pemain Syria dalam perlawanan persahabatan tertutup di Stadium Grand Hamad, Qatar pada 8 Januari. Kedua-dua pasukan terikat 2-2. Foto Persatuan Bolasepak Malaysia



Selangor tuan rumah 13 hingga 18 Februari

300 pemain berentap badminton Asia

Oleh NORRASYIDAH ARSHAD

SHAH ALAM - Selangor sekali lagi menjadi tuan rumah Kejohanan Badminton Berpasukan Asia (BATC) 2024 di Pusat Konvensyen Setia Alam di sini antara 13 hingga 18 Februari.

EXCO sukan berkata lebih 300 pemain bertaraf dunia bakal berentap dalam kejohanan berprestij itu antaranya Jepun, China, Indonesia, Korea Selatan, Singapura, India dan Thailand.

Najwan Halimi percaya BATC menjadi medan untuk pemain terbaik Asia

untuk melayakkan mereka ke kejohanan Piala Thomas dan Uber 2024 yang dijadual berlangsung pada Mei di Chengdu, China.

"Pemain negara yang dijangka beraksi ialah Lee Zii Jia dan Aaron Chia bersama Soh Wooi Yik. Bagaimanapun, senarai pemain masih belum diputuskan," katanya pada 8 Januari.

Turut serta, Akane Yamaguchi dan Kento Momota daripada Jepun, Li Shifeng, Chen Yu Fei (China), Prannoy HS, PV Sindhu (India) dan Anthony Sinisuka Ginting, Jonathan Christie (Indonesia).

Pada 2022, Selangor buat julung kali menjadi tuan rumah BATC yang diselaraskan Majlis Sukan Negeri Selangor dengan kerjasama Badminton Asia dan Persatuan Badminton Malaysia.

Dalam kejohanan enam hari, pasukan lelaki negara muncul juara manakala skuad wanita sekadar berpuas hati di tempat ketiga selepas tewas 0-3 kepada Korea Selatan.

Perlawan berkenaan disertai 142 atlet lapan negara iaitu Malaysia, Indonesia, India, Korea Selatan, Jepun, Singapura, Hong Kong dan Kazakhstan.

Peluang Oppenheimer raih Oscar?

SHAH ALAM - Selepas Oppenheimer meraih kemenangan besar di pentas Golden Globe pada 7 Januari, apakah mungkin filem kisah pencipta bom nuklear J Robert Oppenheimer bakal menjulang Oscar.

Filem arahan Christopher Nolan dinobat filem drama terbaik, selain menggondol pengarah terbaik, pelakon lelaki terbaik (Cillian Murphy), pembantu lelaki terbaik (Robert Downey Jr) dan skor asal terbaik (Ludwig Göransson).

Anugerah Golden Globe selalunya

menjadi rujukan industri Amerika Syari-kat yang membayangkan persaingan untuk merebut anugerah berprestij Akademik (Oscar) yang dijadual pada 10 Mac.


Berdasarkan biografi American Prometheus (menang Pulitzer 2006), filem itu mengalahkan Killers of the Flower Moon (arah Martin Scorsese), Maestro (Bradley Cooper), Past Lives (Celine Song), The Zone of Interest (Jonathan Glazer) dan Anatomy of a Fall (Justine Triet).

Filem terakhir, mengisahkan drama

mahkamah seorang tertuduh wanita terpaksa membuktikan tidak bersalah selepas kematian suami, menang anugerah terbaik Festival Filem Cannes tahun lalu.

Untuk anugerah Golden Globe, Killers of the Flower Moon memenangi pelakon wanita terbaik dan Anatomy of a Fall (filem bukan Inggeris terbaik dan lakon layar terbaik). Tiga lagi tidak memenangi sebarang kategori.

Penerbitan industri hiburan terkenal Variety.com meramalkan Oppenheimer bakal menjulang Oscar.



Cerpen, puisi & esei

**HADIAH SASTERA
SELANGOR
2024**

terbit setiap Sabtu dan Ahad
di portal selangorkini.my